



Bosna i Hercegovina



Agencija za statistiku
Bosne i Hercegovine

IZVJEŠTAJ O RADU

AGENCIJE ZA STATISTIKU BOSNE I HERCEGOVINE ZA 2010. GODINU

Sarajevo, februar 2011.

S A D R Ź A J

UVODNA RIJEČ.....	4
1. DEMOGRAFSKE I SOCIJALNE STATISTIKE.....	5
1.01 Statistika stanovništva	5
1.02 Statistika tržišta rada.....	6
1.03 Statistika obrazovanja.....	7
1.04 Statistika kulture.....	7
1.06 Raspodjela dohotka i životni uslovi.....	7
1.07 Statistika socijalne zaštite.....	8
1.10 Statistika kriminaliteta	8
2. MAKROEKONOMSKE STATISTIKE.....	9
2.02 Godišnji ekonomski računi	9
2.06 Statistika cijena.....	9
2.07 Statistika robne razmjene sa inostranstvom	10
3. POSLOVNE STATISTIKE	11
3.01 Godišnje poslovne statistike.....	11
3.02 Kratkoročne poslovne statistike	12
3.03 Energetska statistika.....	14
3.04 Statistika saobraćaja	14
3.06 Statistički poslovni registar	15
4. STATISTIKA POLJOPRIVREDE, ŠUMARSTVA I RIBARSTVA	16
4.01 Statistika poljoprivrede.....	16
4.02 Poljoprivredne strukture	16
4.04 Poljoprivredni računi i cijene	17
4.05 Statistika šumarstva	17
4.06 Statistika ribarstva.....	17
5. MULTIDOMENSKE STATISTIKE	18
5.03 Statistika okoliša i računi	18
5.07 Informaciono društvo	19
6. PODRŠKA ZA STATISTIČKE PROIZVODE - STATISTIČKA INFRASTRUKTURA	20
6.01 Kvalitet, evaluacija, statistička koordinacija i klasifikacije.....	20
6.02 Obuke	21
6.03 IT podrška, standardi i alati za statističku proizvodnju	21
6.06 Informisanost i diseminacija.....	21
6.09 Međunarodna saradnja i evropske integracije	22
6.10 Istraživački i metodološki rad	24
6.11 Zaštita podataka i statistička povjerljivost	24
7. ADMINISTRATIVNA PODRŠKA	25
7.01 Upravljanje IT infrastrukturom	25
7.02 Ljudski resursi	25
7.03 Upravljanje finansijskim sredstvima	26
PROBLEMI U RADU.....	27
PRILOG	29
Pregled publikovanja u 2010. godini.....	31
Godišnji izvještaj o provedbi Statističkog programa od značaja za Distrikt Brčko BiH u 2010. godini	33

UVODNA RIJEČ

Agencija za statistiku Bosne i Hercegovine uspješno je provela statističke aktivnosti i istraživanja, planirana u četverogodišnjem Statističkom programu za period 2009 – 2012. i Planu rada za 2010. godinu. Slijedili smo strateške i prioritetne ciljeve i zadatke zacrtane u programskim dokumentima.

Osnovni zadatak svih proizvođača statistika je »snabdijevanje« korisnika neophodnim kvalitetnim statističkim podacima.

Prioritetni zadaci bili su:

- Dalja izgradnja i modernizacija statističkog sistema BiH,
- Rad na harmonizaciji BiH statističke legislative sa EU legislativom,
- Obuka zaposlenih u statističkim institucijama,
- Jačanje saradnje sa proizvođačima, davaocima i korisnicima podataka,
- Rad na harmonizaciji postojećih i donošenje novih metodologija, klasifikacija, standarda i objavljivanje istih kao nacionalnih standarda i
- Podrška korisnicima podataka publikovanjem statističkih saopštenja, biltena i metodoloških dokumenata i putem web stranice.

Sistem statistike u BiH se kontinuirano usklađuje sa međunarodnim standardima, prvenstveno evropskim standardima i obavezama koje stoje pred statistikom u procesu evroatlantskih integracija i implementacija SSP-a, a također se stvara osnov za formulisanje srednjoročnih i dugoročnih politika.

1.01 Statistika stanovništva

Vitalna statistika (rođeni, umrli, zaključeni i razvedeni brakovi)

Tokom 2010. godine pripremljena su i objavljena četiri saopštenja o prirodnom kretanju stanovništva.

Urađene su tabele za nivo BiH iz oblasti vitalne statistike za 2009. godinu (konačni podaci) i objavljene su u tematskom biltenu Demografija, kao i tabele po zahtjevima EUROSTATa i UN-a.

U saradnji sa UNICEF-om rađeno je na projektu MONEE, u sklopu kojeg su dati podaci za 2009. godinu za više oblasti.

Zbog potrebe uporednog korištenja podataka iz Popisa i vitalne statistike izvršene su promjene u sadržaju na obrascima vitalne statistike.

Urađeni su detaljniji kodeksi šifara koji se koriste za šifriranje pojedinih obilježja u obrascima vitalne statistike.

Statistika migracija

Agencija za statistiku Bosne i Hercegovine nadležna je da publikuje podatke na državnom nivou u vezi unutrašnjih migracija. U februaru 2010. godine objavljeno je drugo saopštenje o unutrašnjim migracijama za 2009. godinu. U ovom saopštenju obuhvaćeni su svi stanovnici Bosne i Hercegovine, razvrstani po spolnoj i starosnoj strukturi, koji su registrovali promjenu njihovog prebivališta, uključujući i kretanja između entiteta i Distrikta Brčko BiH. U saopštenju također su dati podaci o ukupnom broju doseljenih i odseljenih osoba u FBiH, RS i Distriktu Brčko BiH, kao i podaci o migracijskom saldu.

UNDP BiH pokrenuo je projekat pod nazivom Yerp - „Program zapošljavanja i zadržavanja mladih„. Predviđeno je da program traje 36 mjeseci tj. od septembra 2009. do septembra 2012. godine. U okviru tog projekta predstavnici Agencije za statistiku su članovi radne grupe za metodologiju i strategiju zajedno sa predstavnicima nadležnih ministarstava koji predstavljaju „izvor podataka“ za statistiku međunarodne migracije.

Popis stanovništva, domaćinstava i stanova

Prijedlog Zakona o popisu stanovništva, koji je izradila interesorna radna grupa, uz pomoć eksperata iz Agencije, i koji je usvojen na Vijeću ministara u septembru 2009. godine nije prošao u Parlamentu. Formirana je Privremena komisija Parlamentarne skupštine BiH da pripremi novi Prijedlog zakona o popisu stanovništva, domaćinstava i stanova u BiH 2011. godine. Agencija je pružila potrebnu stručnu pomoć radu radne grupe.

Prijedlog Zakona o popisu stanovništva, domaćinstava i stanova u BiH 2011. godine koji je pripremila Privremena komisija skupštine BiH je usvojen na Zastupničkom domu Parlamentarne skupštine BiH, ali u toku 2010. godine nije prošao proceduru usvajanja u Domu naroda Parlamentarne skupštine BiH. Predmet sporenja u Zakonu je član 48. Prijedloga zakona kojim se predviđa da se rezultati popisa iz 1991. godine primijenjuju do potpune implementacije Aneksa sedam Dejtonskog mirovnog sporazuma.

U skladu sa novim Prijedlogom zakona u toku godine nastavljen je rad na pripremama za popis stanovništva, domaćinstava i stanova. Pripremljen je prijedlog sadržaja osnovnih popisnih obrazaca po novom konceptu popisivanja, nacrt metodološkog uputstva, kao i priručnik za popisivače i općinske instruktore.

Sadržaj popisnih obrazaca urađen je u skladu sa UN/CES preporukama za popise stanovništva i stanova. Planom aktivnosti za pripreme popisa bilo je predviđeno da se popisni obrasci i metodologija testiraju u probnom popisu u aprilu ili oktobru 2010. godine. Zbog neusvajanja Zakona nije proveden probni popis.

Pripremljena su pravila za logičke kontrole, kao i spisak obaveznih tabela za Eurostat. Pripremljen je i kodeks šifara za šifriranje odgovora o nacionalnoj i vjerskoj pripadnosti, kao i kodeks šifara za maternji jezik.

Pripremljena je specifikacija za nabavku IT sistema za podršku popisu stanovništva u BiH (donacija delegacije EC u BiH u iznosu od 2.000.000 € - IPA fondovi).

Trenutno je u realizaciji razvoj aplikacije za ručni unos podataka koja će biti korištena u probnom popisu (očekujemo da će aplikacija biti na raspolaganju 1. maja 2011. godine).

Završena je jedna od dvije planirane edukacije osoblja koje će biti u ICT timu za potrebe Popisa (30 osoba iz institucija Statističkog sistema BiH). Druga, specijalistička edukacija za korištenje sistema za obradu materijala popisa (OCR/ICR će biti realizovana putem donacije EC).

Pripremljena je tehnička specifikacija za DMS (Document Management System) za potrebe monitoringa aktivnosti na Popisu. Planirana realizacija ovog projekta je sredinom 2011. godine.

Realizovana je djelimična rekonstrukcija ICT infrastrukture u skladu sa planom priprema za Popis.

Direktor Agencije za statistiku BiH aktivno sudjeluje u radu Tehničke koordinacijske grupe za popis stanovništva u Jugoistočnoj Evropi (TCG).

1.02 Statistika tržišta rada

Statistika zarada, zaposlenosti i nezaposlenosti

Urađene su tabele na nivou BiH za oblast koja pokriva prosječne zarade (bruto i neto), zaposlenost i nezaposlenost. Podaci po ekonomskim aktivnostima (sektorima) iskazuju se na mjesečnom, kvartalnom, polugodišnjem i godišnjem nivou. Diseminacija se vrši kroz saopštenja i objavljivanjem na web stranici Agencije za statistiku BiH, kao i mjesečnom objavljivanju u Službenom glasniku BiH.

Anketa o radnoj snazi

Agencija za statistiku Bosne i Hercegovine zajedno sa statističkim entitetskim uredima provela je i završila po peti put, samostalno, Anketu o radnoj snazi 2010. godine i dobivene podatke publikovala kroz dokument „Anketa o radnoj snazi 2010 – konačni rezultati“. Po prvi put u Anketu je uključen i Ad Hoc Modul: „Usklađenost između radnog i porodičnog života“. Kompletni konačni rezultati Ankete o radnoj snazi 2010 – ARS 2010 također su dostupani na web stranici Agencije.

Anketa o troškovima rada

Tokom septembra 2010. godine radilo se na provođenju Ankete o troškovima rada 2009. I dalje je ostao problem iz Pilot istraživanja, koji može imati za posljedicu neobjavljivanje podataka iz Ankete o troškovima rada na nivou BiH, a sastoji se u tome da, Agencija za statistiku ne može dobiti mikropodatke iz Republičkog zavoda za statistiku RS koji se odnose na taj entitet.

Anketa o korištenju vremena

Polovinom decembra 2010. godine počela je provedba Pilot Ankete o korištenju vremena na terenu. Šifriranje i unošenje podataka dobivenih popunjavanjem upitnika vršiti će se u 2011. godini. Također, sudjelovalo se na više različitih radionica gdje su se sticala iskustva kako izbjeći probleme koje su imale druge zemlje i kako poboljšati provođenje naše ankete.

1.03 Statistika obrazovanja

Statistika osnovnog, srednjeg i visokog obrazovanja

Iz oblasti obrazovanja objavljena su dva saopštenja o obrazovanju koje obuhvata podatke o predškolskom, osnovnom, srednjem i visokom obrazovanju u BiH. U saopštenjima dati su i podaci o nastavnom osoblju i opremljenosti u obrazovnim ustanovama. Agencija za statistiku i entitetski zavodi za statistiku rade na unaprijeđenju statistike obrazovanja i uspostavljanju jedinstvene metodologije na nivou države.

1.04 Statistika kulture

Kultura i umjetnost

Iz oblasti kulture, objavljen je bilten "Kultura i umjetnost". Podaci u ovom biltenu su rezultat agregiranja podataka entitetskih zavoda za statistiku koji se odnose na oblast kulture i umjetnosti, za period 2003-2008. godine. Bilten sadrži dostupne podatke o radio i TV stanicama, kinima, pozorištima i bibliotekama. Potrebno je raditi na daljem usklađivanju načina prikupljanja i obrade podataka vezanih za biblioteke i knjižni fond.

Od maja 2009. godine Agencija sudjeluje u projektu „Kultura za razvoj“. Ovo je projekat koji u okviru partnerskog odnosa provode UNDP, UNESCO i UNICEF, u saradnji sa MCP, entitetskim ministarstvima kulture i obrazovanja, kao i druge institucije nadležne za oblast kulture i obrazovanja u BiH. Jedan od ciljeva projekta je i razvoj nove metodologije za statistiku kulture.

1.06 Raspodjela dohotka i uslovi života

Anketa o potrošnji domaćinstava 2011

Rad na poslovima Ankete o potrošnji domaćinstava 2011 (APD 2011) bio je usmjeren na pripremu rezultata Pilot ankete o potrošnji domaćinstava iz 2009. godine, pronalaženje finansijskih sredstava za provođenje glavne ankete u 2011. godini, te na organizaciju i pripremu provođenja iste.

Rezultati Pilot ankete o potrošnji domaćinstava iz 2009. godine su pripremljeni i prezentovani na konferenciji pod naslovom „Aspekti siromaštva i socijalne uključenosti“ koju je Agencija za statistiku organizovala i održala u julu 2010. godine. Na osnovu rezultata Pilot ankete o potrošnji domaćinstava iz 2009. godine dovršeno je dizajniranje anketnih instrumentarija u smislu postizanja višenamjenske upotrebe anketa i unapređenja harmonizacije s EU regulativama. Pored osnovnih ciljeva ankete, ostvaren je i dodatni cilj u smislu dobivanja relevantnih podataka za izračunavanje socio-ekonomskih indikatora i analize socijalne isključenosti u Bosni i Hercegovini. On je u potpunosti postignut na način da su se postojeći upitnici redizajnirali i dopunili s novim.

Anketni instrumenti su prošireni za dva nova modula (Modul socijalne isključenosti, migracija i doznaka i Modul zdravstvenog stanja i usluga), dok je postojeći Modul prihoda redizajniran da može davati relevantnije podatke na individualnom nivou. Ove aktivnosti su realizovane kroz ostvarene kontakte tokom 2009. godine s različitim grupama korisnika podataka i kreatorima socijalnih politika u Bosni i Hercegovini (ministarstva, agencije, zavodi, Centralna banka BiH i sl.) i kroz

ugrađivanje njihovih zahtjeva u anketne instrumente.

Pored gore navedenog, također su osnovni moduli ankete revidirani i izvršena su poboljšanja kako bi se dobili kvalitetniji inputi za statistiku potrošačkih cijena (procjena pondera za Indeks potrošačkih cijena) i za statistiku nacionalnih računa (veličina i struktura potrošnje po COICOP-u, podaci o investicijskoj potrošnji, inputirana renta i sl.).

Tokom 2010. godine Agencija za statistiku Bosne i Hercegovine uspjela je pronaći donatora (DFID-Ured za međunarodnu saradnju Vlade Velike Britanije) koji je u decembru 2010. godine na račun Agencije doznačio iznos u visini 2/3 potrebnih sredstava za provođenje Ankete. Ostatak sredstava će biti osiguran iz budžeta triju statističkih institucija u Bosni i Hercegovini čime je zaokružena konstrukcija finansiranja Ankete.

Rad na organizaciji i pripremi provođenja Ankete o potrošnji domaćinstava 2011. je u potpunosti uspješno završen. On je obuhvatio izbor anketara i organizaciju terenskog rada na cijeloj teritoriji Bosne i Hercegovine, štampanje anketnih instrumenata i provođenje obuke za anketare i supervizore, što je omogućilo da rad na terenu počne u zadnjoj sedmici decembra 2010. godine. Terenski rad trajati će do polovine januara 2012. godine, a rezultati Ankete o potrošnji domaćinstava će biti raspoloživi u julu 2012. godine.

1.07 Statistika socijalne zaštite

Korisnici i ustanove socijalne zaštite

Na osnovu podataka entitetskih zavoda za statistiku, pripremljen je bilten "Socijalna zaštita u BiH", koji je obuhvatio podatke o korisnicima svih oblika, mjera i usluga socijalne zaštite, ali i podatke o ustanovama socijalne zaštite i zaposlenima u tim ustanovama, u periodu 2004-2009. Podaci su razvrstani prema starosti korisnika, stepenu ugroženosti, vrsti socijalnih potreba i ustanovama za pružanje socijalne zaštite.

1.10 Statistika kriminaliteta

Priprema za provođenje istraživanja iz oblasti statistike kriminaliteta

Krajem 2010. godine pripremljen je statistički instrumentarij (obrasci, uputstvo i kodeksi šifara) za praćenje statistike kriminaliteta. Riječ je o statističkim istraživanjima o punoljetnim osobama protiv kojih je postupak po kaznenoj prijavi i prethodni postupak završen i za optužene punoljetne osobe protiv kojih je kazneni postupak pravomoćno okončan. Ove podatke Agencija za statistiku će prikupljati u toku naredne godine od Tužilaštva BiH i Suda BiH (za predmete koji su u okviru nadležnosti istih). Na taj način Agencija će u toku narednih godina biti u mogućnosti da objavi agregirane podatke u oblasti statistike kriminaliteta na nivou BiH.

2.01 Godišnji ekonomski računi

Obračun BDP za nivo BiH

Izvršen je obračun BDP za nivo BiH prema proizvodnom pristupu za 2009. godinu u tekućim i stalnim cijenama. Podaci su publikovani na nivou A60. Nakon metodoloških poboljšanja urađenih u prethodnoj godini, koja se prvenstveno odnose na deliminaciju poreza na proizvode i proizvodnju i subvencija na proizvode i proizvodnju revidirana je serija podataka za period 2000-2005. godina. U Biltenu je objavljena uporediva serija podataka za period 2000-2009. godina.

Izvršen je obračun BDP za BiH prema dohodovnom pristupu za 2009. godinu i publikovan na A17.

Izvršen je revidirani obračun BDP za BiH prema rashodnom pristupu za period 2004-2009. godinu u tekućim i stalnim cijenama. Zbog izvršene revizije komponenti BDP prema proizvodnom pristupu, kao i podataka BoP izvršena je korekcija ranije publikovanih podataka.

Publikovano je saopštenje BDP i stvarna individualna potrošnja (SIP) u standardu kupovne moći (SKM) za 2007-2009. godinu.

Na zahtjev vlasti BiH i uz podršku MMF - Evropskog odjela statistike; Statistički odjel MMF-a iz Washingtona, organizovao je posjetu Agenciji za statistiku BiH, u periodu od 27. septembra do 8. oktobra 2010. godine. Cilj misije bio je tehnička pomoć u analizi i rješavanju problema nekonzistentnosti između BDP-a prema proizvodnom i rashodnom pristupu na nivou BiH, kao i istraživanje mogućnosti uspostave kvartalnih nacionalnih računa na nivou BiH.

Misija je analizirala i nekonzistentnost između stope rasta entitetskih indeksa industrijske proizvodnje i indeksa kompiliranog za cijelu zemlju.

Obračun ulaganja sredstava u investicije

Izvršen je obračun ulaganja sredstava u investicije pravnih osoba u 2009. godini. Zbog postojećeg problema vezanog za dostavljanje kompletne baze podataka iz RZS RS obračun je urađen korištenjem anonimnih mikropodataka RZS RS i kompletne baze podataka dostavljene od strane FZS FBiH i Distrikta Brčko BiH.

Pilot istraživanje

U okviru IPA-2008 Regional - provedeno je Pilot istraživanje o strukturi prihoda i međufazne potrošnje za preduzeća, budžete, finansijske institucije i neprofitne institucije.

2.06 Statistika cijena

Indeksi potrošačkih cijena u BiH

Redovno se objavljuju saopštenja sa Indeksima potrošačkih cijena u BiH i Distriktu Brčko BiH uz uvođenje novog saopštenja sa Prosječnim cijenama odabrane liste proizvoda.

Aplikacija za unos potrošačkih cijena je unaprijeđena u cilju približavanja važećih regulativa za HICP.

Izračunati su ponderi iz APD ankete iz 2007. godine koji će se primijenjivati od januara 2011. godine.

Proširena je detaljnost saopštenja sa indeksima potrošačkih cijena do nivoa grupa COICOP klasifikacija.

Indeks proizvođa- čkih cijena

Cijene se redovno prikupljaju i obrađuju. U toku je priprema za objavljivanje za nivo Bosne i Hercegovine. Pripremljeno je eksperimentalno istraživanje i prikupljanje proizvođačkih cijena na stranom tržištu na jedinstven način u oba entiteta.

Evropski program poređenja

U okviru Evropskog programa poređenja – Paritet kupovne moći, Agencija je provela sve aktivnosti definisane Eurostatovim Planom rada za 2010. godinu. Eurostatu su u planiranim rokovima dostavljeni svi potrebni podaci o provedenim istraživanjima: E 10 -1 „Kuća i vrt“, E 10 -2 „Saobraćaj, restorani i hoteli“; „Oprema“ „Građevinarstvo“; mjesečni indeksi potrošačkih cijena za 2010. godinu, set podataka statistike nacionalnih računa, te pripremljena dva metodološka poglavlja o metodologiji provođenja projekta u BiH. Na ovaj način omogućeno je izračunavanje BDP u standardu kupovne moći BiH za period 2007–2009. godina. Svi zadaci utvrđeni Planom rada su i realizovani.

2.07 Statistika robne razmjene sa inostranstvom

Statistika vanjske trgovine

Agencija za statistiku BiH vršila je redovno mjesečno prikupljanje, obradu i publikovanje podataka o robnoj razmjeni BiH s inostranstvom i objavila godišnje podatke za 2009. godinu u tematskom biltenu.

Redovno su dostavljani podaci Eurostatu, Direkciji za ekonomsko planiranje pri Vijeću ministara BiH, Centralnoj banci BiH i Ministarstvu vanjske trgovine i ekonomskih odnosa BiH u traženoj formi.

Agencija za statistiku BiH ispunila je planirane aktivnosti i ciljeve za 2010. godinu u ovoj oblasti uz određene probleme koji su onemogućili provođenje adekvatnih kontrola i poboljšanja kvaliteta podataka o robnoj razmjeni. Najvažniji problem je nedostavljanje podataka sa jedinstvenim identifikacijskim brojem firme od strane Uprave za indirektno oporezivanje BiH.

3.01 Godišnje poslovne statistike

Strukturne poslovne statistike

U području strukturnih poslovnih statistika (SPS) radilo se na kreiranju sveobuhvatnog sistema strukturnih poslovnih statističkih istraživanja za osiguravanje pokazatelja o ekonomskim aktivnostima poslovnih subjekata za BiH i entitete. Cilj uspostavljanja strukturnih poslovnih statistika je proizvodnja konzistentnih i međunarodno uporedivih statističkih pokazatelja u skladu sa EU SBS (Structural Business Statistics) Regulativi 295/2008.

Tokom 2010. godine pripremljeno je i provedeno Pilot SPS istraživanje za referentnu 2009. godinu. Istraživanjem su obuhvaćene slijedeće djelatnosti poslovne ekonomije: rudarstvo; prerađivačka industrija; proizvodnja i distribucija struje, plina i vode; građevinarstvo; hoteli i restorani, te promet i skladištenje. U prikupljanju i obradi podataka korišten je kombinovani metod punog obuhvata i uzorka, a u zavisnosti od veličine preduzeća u odnosu na broj zaposlenih.

U cilju izvršenja aktivnosti organizovana je zajednička radna grupa za SPS sastavljena od metodologa, uzorkaša i IT stručnjaka iz tri statističke institucije. Radna grupa je tokom 2010. godine izvršila slijedeće aktivnosti: sačinjen je opći metodološki okvir za SPS istraživanja; pripremljen je glavni plan aktivnosti s rokovima po pojedinim fazama i izvršiocima; pripremljeni su SPS upitnici i uputstva za popunjavanje; urađen je dizajn i izvršen izbor uzorka; pripremljena je lista kontrola za unos podataka i lista izlaznih varijabli i indikatora sa načinom njihovog računanja; urađene su IT aplikacije; prikupljeni su, iskontrolisani i obrađeni podaci; otpočela je analiza rezultata pilot istraživanja.

Na osnovu utvrđenog plana rezultati istraživanja biće gotovi do kraja marta, a publikacija u vidu metodološkog dokumenta do kraja juna 2011. godine. Iskustva iz Pilot istraživanja biće korištena za dizajniranje i provođenje redovnog SPS istraživanja.

Prema planu, redovna proizvodnja strukturnih poslovnih varijabli i indikatora otpočeti će u 2011. godini. Referentna godina za prvo istraživanje biće 2010. Za redovna SPS istraživanja koristiće se Statistički poslovni registar kao okvir istraživanja i on će biti klasifikovan prema novoj KD BiH 2010 (EU NACE Rev2). Pored ekonomskih djelatnosti obuhvaćenih Pilot istraživanjem za 2009, za 2010. godinu obuhvatiti će se i područje trgovine.

Godišnja statistika industrijske proizvodnje

U entitetima i podružnici Brčko prikupljeni su godišnji podaci o proizvedenim količinama, količinama proizvoda utrošenih za dalju proizvodnju, promjenama zaliha i prodaji (realizovanje) proizvoda - količinski i vrijednosno, saglasno nomenklaturi industrijskih proizvoda NIP BiH 2005 zasnovanoj na PRODCOM listi iz 2005, po usaglašenoj metodologiji i dostavljeni Agenciji za statistiku BiH. Agencija za statistiku je izvršila obradu dostavljenih podataka i objavila službene godišnje podatke o industrijskoj proizvodnji u BiH u 2009. godini.

Provođenje PRODCOM istraživanja nije još usklađeno s rokovima koje je EU postavila na PRODCOM rezultate. U Planu rada za 2010. godinu nismo uspjeli dogovoriti sa entitetima rok dostavljanja preliminarnih i konačnih podataka koji bi omogućio pripremanje rezultata za BiH i njihovo dostavljanje Eurostat-u u zahtjevanim rokovima. Po Planu iz 2010. godine rok za krajnje rezultate za BiH je 15. 09. 2010. godine (za podatke iz 2009).

Osnovno obrazloženje koje smo dobili od Republičkog zavoda za statistiku RS je da imaju jako mnogo jedinica u obuhvatu i da BiH još nema obavezu da dostavlja PRODCOM podatke Eurostatu i da se do tada ne treba vezati za njihove rokove. Agencija je mišljenja da RZSRS može prihvatiti rokove, ali treba odlučiti kada će se ovaj rok skratiti i uskladiti sa EU regulativom. Rok za dostavljanje rezultata Eurostatu je 01. 07. svake godine za podatke iz prethodne godine. I ubuduće će obuhvat i kompleksnost istraživanja biti uglavnom isti i tu se ništa neće moći promijeniti. U 2010. godini urađena je revizija rezultata istraživanja za period 2005 – 2008. godina i zbirni revidirani podaci su objavljeni zajedno sa podacima za 2009. godinu.

Godišnja statistika građevinarstva

Početakom 2010. godine po prvi put su pripremljeni i publikovani godišnji rezultati o izvršenim građevinskim radovima u BiH za 2008, a krajem godine objavljeni su i rezultati za 2009. godinu. Na taj način uvedeno je redovno godišnje publikovanje rezultata o izvršenim građevinskim radovima u BiH.

3.02 Kratkoročne poslovne statistike

Kratkoročna statistika industrijske proizvodnje

Na osnovu jedinstvene metodologije izračunavanja indeksa obima industrijske proizvodnje u BiH koja je donesena u okviru CARDS Twinning Projekta, počelo je (od oktobra 2009. godine) redovno objavljivanje indeksa za nivo BiH. Za ove potrebe koriste se IT rješenja razvijena u Agenciji za statistiku BiH. Izvršene su analize mjesečnih i godišnjih podataka dostavljenih iz entiteta i BDBiH i još uvijek ima problema koje treba raščistiti. Jedan od osnovnih problema koji je ostao otvoren je utvrđivanje zajedničkog panela statističkih jedinica za mjesečno istraživanje i načina upravljanja panelom tako da se on održava što je moguće stabilnijim. Pokazatelji kvalitete su također važan element metodologije, ali entiteti i BDBiH ih još uvijek ne dostavljaju. Analizom konzistentnosti rezultata za BiH i entitetskih pokazatelja utvrđena je potreba za dodatnim usklađivanjem.

U 2010. godini obavljene su pripreme za sljedeće aktivnosti vezane za dalji razvoj statistike industrije, a čija je realizacija planirana u 2011. godini:

- Implementacija nove klasifikacije i nomenklature (usklađivanje s EU propisima) u godišnjem PRODCOM istraživanju,
- Preračunavanje postojećih serija indeksa obima industrijske proizvodnje (izbor metode, pregrupisanje podataka po novoj klasifikaciji i nomenklaturi, izračunavanje koeficijenata konverzije i dr.)

Kratkoročna statistika građevinarstva

Tokom 2010. Agencija za statistiku BiH vršila je redovno publikovanje podataka o stambenoj izgradnji u BiH. U ovom su saopštenju prikazani podaci prikupljeni prema kvartalnoj izvještajnoj metodi na osnovu podataka dostavljenih iz entiteta. Izvor podataka su poslovne evidencije pravnih subjekata u području F-Građevinarstvo, prema KDBIH.

Također je vršeno redovno kvartalno publikovanje podataka o vrijednosti izvršenih građevinskih radova u inostranstvu prema vrstama radova, vrijednost izvršenih građevinskih radova u inostranstvu prema vrstama objekata, vrijednost izvršenih građevinskih radova prema zemljama izvršenja, vrijednosti narudžbi prema zemljama ugovaranja, broju radnika pravnih subjekata koji radove izvode u inostranstvu i izvršeni efektivni sati radnika na gradilištima. Izvor podataka su poslovne evidencije pravnih subjekata u području F-Građevinarstvo, prema KD BiH.

U 2010. godini obavljene su slijedeće pripreme vezane za razvoj kratkoročnih statistika građevinarstva i provođenje pilot istraživanja: pripremljen je upitnik i uputstvo za provođenje kvartalnog pilot istraživanja za oblast građevinarstva, saglasno zahtjevima EU regulative za kratkoročne poslovne statistike i potrebama eksternih i internih korisnika u zemlji; definisane su osnovne karakteristike istraživanja što uključuje okvir istraživanja, dizajn i kriterije uzorka, te je pripremljen detaljan plan aktivnosti sa rokovima i izvršiocima.

Provođenje pilot istraživanja se planira u prvom kvartalu 2011. godine.

Distributivna trgovina

U oblasti „statistike distributivne trgovine“ tokom 2010. godine počela je redovna proizvodnja i objavljivanje određenog broja kvartalnih pokazatelja za nivo BiH. Na bazi podataka pripremljenih u entitetima i Distriktu Brčko BiH u Agenciji su obrađeni i publikovani podaci za sve kvartale 2009. godine.

Nakon toga nastavljeno je redovno kvartalno publikovanje podataka za BiH u 2010. godini. U saopštenju o distributivnoj trgovini u BiH prezentuju se podaci o ostvarenom prometu, broju zaposlenih i zalihama prema pretežnoj djelatnosti poslovnog subjekta.

Statistika turizma

U oblasti „statistike turizma“ tokom 2010. godine redovno su publikovani mjesečni podaci iz oblasti „statistike smještaja“, kao dijela statistike turizma (broj dolazaka i noćenja turista prema zemlji prebivališta, i smještajnim kapacitetima; raspoloživost smještajnih objekata s brojem soba i ležaja).

Podaci se agregiraju na osnovu statističkih upitnika obrađenih na nivou entiteta (Federacije Bosne i Hercegovine i Republike Srpske) i Distrikta Brčko BiH i prezentuju se u formi mjesečnog saopštenja s komentarom o mjesečnim promjenama navedenih varijabli. Definicije i periodika praćenja istih, osim dijela koji se odnosi na nepostojanje jedinstvene kategorizacije ugostiteljskih objekata na nivou BiH, u većem dijelu su usaglašeni s preporukama EUROSTAT-a.

U 2010. godini izvršene su pripremne aktivnosti vezane za dalji razvoj i usaglašavanje statistike turizma sa EU i WTO zahtjevima i preporukama, što će biti obavljeno tokom implementacije IPA 2008 Projekta (2011 – 2013).

Podaci statistike turizma redovno se objavljuju i na godišnjem nivou u publikaciji WTO (World Tourism Organisation)-Compendium of Tourism Statistics.

Promet i komunikacije

U oblasti prometa u 2010. godini počelo je redovno, kvartalno izračunavanje i publikovanje podataka za nivo BiH. Publikovani podaci se odnose na prijevoz robe i putnika u cestovnom, željezničkom i zračnom prometu, prijevoz putnika u gradskom i prigradskom prometu, te poštanski promet. U narednom periodu nastaviti će se započeti rad na metodološkom usklađivanju preostalih indikatora koji se proizvode u entitetima iz oblasti statistike prometa.

U saradnji sa Regulatornom agencijom za komunikacije, sredinom 2010, pripremljeno je i publikovano saopštenje iz statistike telekomunikacijskih usluga. Saopštenjem su obuhvaćeni godišnji podaci za fiksnu i mobilnu mrežu (kapaciteti i obavljani promet) od 2005. do 2009. godine.

U 2010. godini obavljene su slijedeće pripreme vezane za razvoj kratkoročnih statistika prometa i skladištenja, te provođenje pilot istraživanja: pripremljen je upitnik i uputstvo za provođenje kvartalnog

pilot istraživanja za oblast prometa i skladištenja, saglasno zahtjevima EU regulative za kratkoročne poslovne statistike i potrebama eksternih i internih korisnika u zemlji; definisane su osnovne karakteristike istraživanja što uključuje okvir istraživanja, dizajn i kriterije uzorka; pripremljen je detaljni plan aktivnosti sa rokovima i izvršiocima. Provođenje pilot istraživanja se planira u prvom kvartalu 2011. godine.

3.03 Energetska statistika

Statistika proizvodnje, potrošnje i snabdijevanje energentima

Preveden je dokument pod originalnim nazivom „Solid Fossil Fuels and Manufactured Gases, Annual Questionnaire“, u cilju uspostavljanja jedinstvenih definicija i koristi se kao metodološki standard.

Pored redovnog saopštenja za električnu i toplotnu energiju, po prvi put je objavljeno saopštenje za prirodni plin, referentna 2009. godina, kao i saopštenje za ugalj i koks, referentna 2009. godina, a prema Regulativi o energetske statistici 1099/2008/EC.

U cilju razvoja kratkoročne statistike energije, preduzete su aktivnosti na izradi draft upitnika za statističko istraživanje: „ Mjesečno izvještavanje o proizvodnji električne energije“ , a koje je predviđeno kao pilot istraživanje u 2011. godini.

U cilju razvoja statistike cijena energenata (cijene električne energije prema vrsti domaćinstva i prema vrsti industrijskih potrošača; cijene plina prema vrsti domaćinstva i prema vrsti industrijskih potrošača), a koje zadovoljavaju Regulativu 93/87/EEC i Proposal on a methodology for the data collection of gas and electricity prices, Version 2007, Eurostat, preduzete su sve potrebne aktivnosti da se uspostavi komunikacija sa kompanijom „Sarajevogas“ i „DERK“, od kojih će se preuzimati podaci u cilju izvještavanja o cijenama električne energije i plina, prema Eurostat metodologiji. Rezultat tih aktivnosti je dostava podataka Agenciji o cijenama ovih energenata za prvo polugodište 2010. godine.

3.04 Statistika saobraćaja

Cestovni, željeznički i zračni prijevoz, prijevoz vodenim putevima i sigurnost saobraćaja

Započeto je metodološko usklađivanje u statistici saobraćaja kroz aktivnosti na prikupljanju metodoloških dokumenata, obrazaca i saopštenja kojim se koriste zemlje u regiji i EU, i njihova komparacija sa entitetskim metodologijama iz oblasti statistike saobraćaja.

Izvršena je revizija podataka od 2001. do 2009. godine za statistiku saobraćaja koji su se do sada slali u Eurostat. Također su izračunati traženi indikatori koji se do sada nisu slali u Eurostat, Freight transport demand i Passenger transport demand za period 2001-2009. godine.

Objavljeno je saopštenje statistike saobraćaja, za vremensku seriju 2005-2009, za cestovni, gradsko-prigradski, željeznički i vazdušni saobraćaj, prijevozna sredstva, infrastruktura.

Statistika je aktivno učestvovala na obezbjeđivanju podataka Ministarstvu sigurnosti, serija godina 2005-2009, a u cilju izrade dokumenta „Procjena ugroženosti BiH od prirodnih i drugih nesreća“.

Izvršeno je međunarodno izvještavanje UNECE upitnika o saobraćajnim nesrećama na cestama Bosne i Hercegovine (UNECE Questionnaire on Road Injury Accidents) i UNECE upitnika o cestovnom i željezničkom saobraćaju, sa dostupnim podacima.

Preveden je Rječnik za statistiku saobraćaja, četvrto izdanje (Glossary for transport Statistics, fourth edition, Eurostat).

3.06 Statistički poslovni registar

Ažurisanje statističkog poslovnog registra

Statistički poslovni registar (SPR) – U protekloj godini rad na uspostavljanju i ažurisanju Statističkog poslovnog registra (SPR) je nastavljen. SPR se se u statističkom sistemu BiH koristi kao jedinstveni okvir za provođenje poslovnih statističkih istraživanja i anketa za cijelu državu. Kontinuirano se radi na ažurisanju podataka SPR, kao i poboljšanju obuhvata i kvaliteti podataka. Krajem 2010. godine izvršena je implementacija nove KD BiH 2010 u Statistički poslovni registar u dijelu koji se odnosi na pravne subjekte. Svim jedinicama registra, pravnim subjektima, pored postojeće dodjeljena je i nova šifra djelatnosti. Jedan od bitnih izvora za poboljšanje kvalitete podataka predstavljaju podaci iz PDV prijave Uprave za indirektno oporezivanje. Unatoč potpisanom Sporazumu sa Upravom podaci do sada nisu dostavljeni Agenciji, što predstavlja problem vezan za kvalitetu podataka Statističkog poslovnog registra.

Poboljšanje kvalitete SPR-a se jednim dijelom provodi ažurisanjem podataka SPR korištenjem različitih administrativnih izvora.

Problem SPR-a je i nepostojanje adekvatnih podataka o broju zaposlenih za poslovne subjekte. Za određivanje veličine poslovnih subjekata po kriteriju broja zaposlenih, trenutno se kao izvor koriste podaci iz godišnjih završnih računa, iako su se kao adekvatni izvori trebali koristiti podaci o zaposlenima iz entitetskih fondova PIO/MIO. Federalni zavod za statistiku nije dobijao podatke iz tog izvora.

Porezna uprave Republike Srpske od 2010. godine, a Porezna uprava Federacije od početka 2011. godine su nadležne za uspostavljanje i vođenje baza podataka Jedinstvenog sistema registracije, kontrole i naplate doprinosa, koje će sadržavati i podatke o broju zaposlenih potrebne za ažurisanje podataka SPR-a. Nadamo se da će entitetski zavodi za statistiku osigurati pristup tim podacima, čime bi poboljšali kvalitetu SPR vezano za podatke o broju zaposlenih.

Na nivou države prisutan je problem korištenja SPR-a zbog nepostojanja individualnih finansijskih podataka i individualnih podataka o broju zaposlenih. Agencija za statistiku ima podatke u definisanim rasponima, dok entitetski zavodi za statistiku posjeduju individualne podake u apsolutnim brojevima. Pitanje razmjene individualnih podataka između entitetskih zavoda i Agencije treba što prije riješiti na najvišem nivou, kako bi se SPR u Agenciji mogao koristiti bez ograničenja i uslovljavanja.

4.01 Statistika poljoprivrede

Statistika biljne proizvodnje

U statistici biljne proizvodnje osnovni podaci biljne proizvodnje se produkuju, agregiraju i objavljuju za nivo BiH. Usaglašenost sa međunarodnim standardima je prilično dobra, naročito po pitanju glavnih indikatora (površine u ha, proizvedene količine i prosječan prinos) u skladu sa regulativom Vijeća 543/2009/EC. Agregiraju su podaci o ostvarenim prinosima ranih i kasnih usjeva za nivo BiH za glavne grupe usjeva: žitarice, industrijsko bilje, mahunarke, povrće i stočno krmno bilje. Objavljeni su podaci proizvodnje voća i grožđa u 2009. godini. Agencija dostavlja podatke EUROSTAT-u i FAO.

Statistika stočarstva

Agencija za statistiku BiH u 2010. godini redovno kompilira i agregira podatke o klanju stoke i peradi u klaonicama na osnovu usklađenih istraživanja u obje entitetske statistike i podružnici Brčko. Podaci su dati po vrstama domaćih životinja i kategorijama. Indikatori su usklađeni sa regulativom Vijeća broj 1165/2008: broj zaklanih grla, neto težina i randman. Vršiti se međunarodno izvještavanje (podaci o proizvedenom mesu i broju zaklanih grla za nivo BiH).

4.02 Poljoprivredne strukture

Poljoprivredni popis

Pripreme za poljoprivredni popis vezane su za popis stanovništva i domaćinstava u BiH. U toku pripreme za Popis stanovništva uključena su tzv. „filter pitanja“ iz oblasti poljoprivrede čime se napravio link između dva popisa, odnosno planirano je da se popis poljoprivrede provede nakon popisa stanovništva.

Od 01. do 15. marta 2010. godine uz finansijsku podršku SIDA/SCB (5,000 EUR) Agencija za statistiku BiH, Republički zavod za statistiku RS i Federalni zavod za statistiku FBiH proveli su Pilot istraživanje o strukturi farmi u BiH. Istraživanjem je obuhvaćeno 360 individualnih poljoprivrednih gazdinstava i 25 poljoprivrednih preduzeća na cijelom prostoru BiH. Testirana je kompletna metodologija.

U sklopu projekta IPA 2007 „Jačanje i harmonizacija informacionih sistema u poljoprivrednom i ruralnom sektoru u BiH (AIS) komponenta 2. Pilot popis poljoprivrede provedene su slijedeće aktivnosti:

-Definisani su i finalizirani materijali za popis: upitnici za pravne osobe i individualna poljoprivredna gazdinstva, priručnici, plakati, pisma za pilot općine;

-Izabrane su pilot općine sa izabranim individualnim poljoprivrednim gazdinstvima (iz Master uzorka) koje su obuhvaćene Pilot popisom:

F BiH: Sanski Most (161 PPG*) i Mostar (242 PPG)

RS: Bijeljina (215 PPG) i Teslić (175 PPG)

Distrikt Brčko BiH (82 PPG)

PPG*=porodično poljoprivredno gazdinstvo

Pilot popis je proveden od 04. do 18. oktobra 2010. godine.

Glavni implementatori Pilot popisa poljoprivrede su Agencija, RZS RS i FZS.

Ministarstva poljoprivrede su učestvovala u radnoj grupi pri definisanju upitnika i dijelom u superviziji.

Testiranje aplikacije za unos podataka izvršiti će se u prvom kvartalu 2011. godine.

4.04 Poljoprivredni računi i cijene

Statistika cijena u poljoprivredi U 2010. godini provedena su pilot istraživanja o cijenama inputa u poljoprivredi od strane entitetskih statističkih zavoda (đubrivo, hrana za životinje, pesticidi, sredstva za zaštitu bilja). Ova istraživanja će se uvesti kao redovna u 2011. godini. Podaci će se koristiti za inpute ekonomskih računa u poljoprivredi.

4.05 Statistika šumarstva

Istraživanja o proizvodnji i cijenama šumskih sortimenata Statistika šumarstva – Uvedena su redovna istraživanja cijena šumskih sortimenata na kvartalnom nivou, a na osnovu provedenih Pilot istraživanja u 2009. godini od strane entitetskih statističkih zavoda uz ekspertsku podršku projekta SIDA/SCB.

Podaci o proizvodnji šumskih sortimenta se redovno prikupljaju od strane entitetskih statističkih zavoda na osnovu mjesečnih istraživanja. Agencija za statistiku BiH agregirane podatke publikuje u kvartalnim i godišnjim saopštenjima. Podaci se redovno dostavljaju UNECE/FAO/EUROSTAT.

4.06 Statistika ribarstva

Pilot istraživanje o akvakulturi U 2010. godini provedeno je Pilot istraživanje o akvakulturi 2009. na osnovu novog redizajniranog upitnika i metodologije koji je pripremila Agencija za statistiku BiH. Metodologija i ostali instrumentarij korišteni za ovo istraživanje su u potpunosti usklađeni sa novom Uredbom EU broj 762/2008.

5.03 Statistika okoliša i računi

**Statistika
otpada**

Agencija je publikovala podatke o količinama, vrstama i tokovima otpada nastalog u proizvodnim aktivnostima, referentna 2008. godina (saopštenje „Otpad iz proizvodnih djelatnosti“). U saopštenju su za prikaz podataka korištene dvije klasifikacije otpada: Evropska Lista otpada (LoW) i statistička klasifikacija otpada (EWStat). Veza vrsta otpada ove dvije klasifikacije dostupna je na <http://www.Agencija.ba/new/>. Saopštenje bi trebalo doprinijeti boljem razumijevanju Regulative o statistici otpada 2150/2002/EC i implementaciji zakonodavne prakse EU u području upravljanja otpadom.

Tokom 2010. godine izvršena je revizija Regulative (WstatR) sa ciljem pojednostavljenja odredbe u najvećoj mogućoj mjeri. Iz tog razloga urađena je uporedba sadržaja starog dokumenta i revizije, a revidirana klasifikacija je implementirana u postojeće softverske aplikacije za istraživanja o otpadu.

U cilju zadovoljavanja WstatR, dizajniran je upitnik za probno statističko istraživanje „Godišnje istraživanje o preradi/zbrinjavanju otpada“- OTP-P. Upitnik je testiran, kao i softverska aplikacija za ovo istraživanje, te je spremno za redovno statističko istraživanje u 2011. godini.

Rezultat radionice - Pisanje izvještaja o kvaliteti (Quality Report Writing in Waste Statistics) u organizaciji Sida/SCB, je nacrt Izvještaja o kvaliteti statističkog istraživanja „Otpad iz proizvodnih djelatnosti“, sa ciljem pružanja preporuka za pisanje izvještaja o kvalitetu za cijeli niz statističkih istraživanja koja će se dostavljati Eurostat-u.

Agencija je počela izvještavanje Eurostatovog upitnika za komunalni otpad (WASTE_MUNWAS_A_BA_2009_0000_V1.zip), sa podacima za 2008. i 2009. godinu. Prateći entitetske propise vezane za set okolišnih zakona, revidiran je statistički obrazac za komunalni otpad, a kojim će se efikasno pratiti promjene vezane za donošenje Pravilnika o ambalaži i ambalažnom otpadu.

Izvršeno je izvještavanje *UNSD/UNEP Questionnaire 2010 on Environment Statistics*, sekcija Otpad, sa dostupnim podacima.

**Računi
okoliša**

Prateći Program statističkih istraživanja za 2010. godinu, uspostavljene su aktivnosti za probno istraživanje „Investicije i troškovi u zaštitu okoliša“ (napravljen je nacrt upitnika, metodološki priručnik - osnova za harmonizovan pristup problematici okolišnih troškova i investicija u BiH, a na osnovu dokumenta SERIEE- Investicije i troškovi u oblasti okoliša - (Eurostat, 2002).

**Statistika
voda**

Izvršeno je izvještavanje *UNSD/UNEP Questionnaire 2010 on Environment Statistics*, sekcija Vode, sa dostupnim podacima. Tamo gdje su se tražile dodatne informacije, a koje nisu u nadležnosti statistike, poduzete su aktivnosti u pisanju dopisa za dostavu podataka u traženoj formi.

Izvršeno je izvještavanje OECD/Eurostat, *Joint Questionnaire-Inland Waters 2010*. Po prvi put izračunat je podatak za godišnje padavine za BiH za 2009. godinu, u saradnji sa Hidrometeorološkim entitetskim zavodima, u svrhu međunarodnog izvještavanja. Uloženi su dodatni napor za dobivanje podataka o tretmanu otpadnih voda. U tu svrhu, kontaktirane su sve institucije koje se bave tretmanom otpadnih voda u BiH i poslat im je set tabela u svrhu dopune izvještavanja.

Razvoj okolišnih indikatora

Za radionicu „Razvoj i pregled nacionalnih okolišnih indikatora“ u organizaciji UNEPE/UNSD, Agencija je koordinirala aktivnosti između relevantnih institucija nadležnih za pitanja okoliša u Bosni i Hercegovini, na razvoju dodatnih šest indikatora. Statistika je razvila slijedeće indikatore: prijevoz robe, prijevoz putnika, snabdijevanje svježom vodom, zaštićena područja u BiH.

Radni dokument poslat je na relevantnu adresu i može se naći na stranici: www.unece.org/stats/documents/2010.05.environ.htm

Za radionicu: „Building Shared Environmental Information System elements in the West Balkan countries based on the EEA Core Set of Indicators“, u organizaciji EEA Odsjek je koordinirao aktivnosti za izradu dodatnih indikatora (EEA core set 37 indikatora), kao i izvršio ažurisanje već razvijenih indikatora.

Izrađen je dokument: „Monitoring i procjena okoliša“ koji je Agencija uradila u saradnji sa MOFTER-om. Dokument se može naći na adresi: http://www.unece.org/env/europe/monitoring/11th_mtg.html

Agencija je uzela aktivno učešće na Prvoj nacionalnoj radionici o stanju okoliša u BiH (SoER), a na kojoj su sudjelovale sve entitetske i državne institucije nadležne za pitanja okoliša u zemlji.

Vezano za Aarhusku konvenciju i pripremu Prvog Nacionalnog Izvještaja Bosne i Hercegovine za Sekretarijat, Agencija je dala svoje mišljenje i komentare na Nacrt izvještaja. Ovaj nacrt postavljen je na web stranici Agencije sa ciljem obavještanja o javnoj raspravi.

5.07 Informaciono društvo

Statistika telekomuni- kacija i korištenje IT tehnologija

Publikovano je saopštenje statistike telekomunikacija, za vremensku seriju 2005-2009.

Urađen je metodološki priručnik za statističko istraživanje „Korištenje informaciono-komunikacionih tehnologija u preduzećima i domaćinstvima“ koji opisuje ciljanu populaciju, periodiku, posmatrane varijable, metodologiju istraživanja i upitnike za ovo istraživanje. Ovo istraživanje je predviđeno kao pilot u 2011. godini.

6.01 Kvalitet, evaluacija, statistička koordinacija i klasifikacije

Klasifikacija djelatnosti

U toku 2010. godine završen je rad na izradi Klasifikacije djelatnosti Bosne i Hercegovine usaglašene sa NACE Rev. 2 (EU Regulativa br. 1893/2006 od 20. decembra 2006. godine koja je amandman na EU Regulativu br. 3037/90 NACE Rev.1). Klasifikacija djelatnosti BiH 2010 primjenjuje se od 01. 01. 2011. godine.

Izmjene Zakona o klasifikaciji djelatnosti usvojene su i objavljene u „Službenom glasnik BiH“ br. 32/10, a Odluka o klasifikaciji djelatnosti u „Službenom glasniku BiH“ br. 47/10 od 08.06.2010. Sastavni dio Odluke čine: Klasifikacija djelatnosti BiH 2010, Klasifikacija djelatnosti BiH 2010 sa objašnjenjima i Metodologija za statističku primjenu Klasifikacije djelatnosti BiH 2010.

Urađene su tabele veza prethodne verzije klasifikacije djelatnosti KDBiH (standard NACE Rev 1.1) sa novom KD BiH 2010 (standard NACE Rev. 2). Tabele su pripremljene sa detaljnim objašnjenjima, kako bi se olakšala implementacija klasifikacije i već su u upotrebi. Sa istim ciljem, lakšeg korištenja KD BiH 2010, u završnoj su fazi izrade Abededni indeks pojmova i Šifarski indeks pojmova KD BiH 2010 i oni će za upotrebu biti raspoloživi do kraja prvog kvartala 2011. godine.

Klasifikacija proizvoda

Posao na izradi nove KPPD BiH 2010 (standard CPA 2008, EU Regulativa br. 451/2008 od 23. aprila 2008. godine) je završen. Takođe su završeni i prateći dokumenti: Struktura sa objašnjenjima, Metodologije za primjenu KPPD 2010 i tabele veza između nove i prethodne verzije klasifikacije. Objavljivanje KPPD 2010 očekuje se u prvom kvartalu 2011. godine.

Nomenklatura proizvoda

Nomenklatura industrijskih proizvoda BiH 2010 (NIP BiH 2010) – U toku 2010. godine završen je rad na izradi nove NIP BiH 2010 (standard PRODCOM lista 2010, EU regulative br. 3924/91 i 912/2004) i pripremljene su tabele veza između nove i prethodne verzije nomenklature. Objavljivanje NIP BiH 2010 u „Službenom glasniku BiH“ se očekuje u februaru 2011. godine. Urađena je nova BiH Nomenklatura industrijskih proizvoda (NIP BiH 2010), uputstvo i instrumenti za njenu primjenu. Primjena počinje u 2011. godini. NIP BiH 2010 potpuno je u skladu sa EU PRODCOM listom 2010 (EU Regulativa 163/2010).

Klasifikacija zanimanja

Posao na izradi Klasifikacije zanimanja u BiH (KZBIH-08) završen je u toku ove godine, donošenjem Odluke o uvođenju i primjeni klasifikacije zanimanja u decembru 2010. godine. KZBIH-08 u potpunosti je usaglašena sa međunarodnom klasifikacijom zanimanja – ISCO-08. Također su završeni i prateći dokumenti: Struktura KZBIH-08, šifarski popis zanimanja, metodološka objašnjenja, konverter zanimanja – tabela veza.

Da bi olakšala pristup klasifikaciji Agencija je omogućila pristup klasifikaciji korisnicima na svojoj internet stranici. Na taj način korisnici putem e-pretraživača mogu veoma lahko pronaći i odrediti šifru grupe za svako pojedinačno zanimanje.

6.02 Obuke

Obuka osoblja

Agencija je u toku 2010. godine provela obuku iz svih statističkih oblasti za sve novouposlene. Na taj način želimo direktno uticati na pripremu mlađeg osoblja za kvalitetno obavljanje budućih radnih zadataka i obaveza. Obuka statističara putem međunarodne saradnje, radionica, sudjelovanja u radu radnih grupa evropskih statističara je kontinuiran proces.

6.03 IT podrška, standardi i alati za statističku proizvodnju

Popisne aktivnosti IT

Realizirane su aktivnosti koje su vezane za pripremu probnog Popisa i Popisa stanovništva u BiH i to:

- Završen je upitnik za popis, prema OCR/ICR standardima,
- Pripremljena je tenderska dokumentacija za nabavku neophodne softverske platforme i hardverske opreme za obradu materijala popisa,
- Završena je edukacija ICT osoblja za potrebe Popisa, kao i za druge projekte koji se provode u Agenciji,
- Pripremljena je dokumentacija za razvoj aplikacije za ručni unos podataka.

Aplikacije i baze podataka

Kontinuirano se radi na dizajnu i razvoju novih aplikacija za potrebe statističkih istraživanja, kao i na unaprijeđenju i održavanju postojećih aplikacija.

Pripremljene su baze podataka indeksa obima industrijske proizvodnje i indeksa potrošačkih cijena, za objavljivanje na web stranici Agencije za statistiku BiH.

Održavanje web stranice

Pripremljen je pravilnik o održavanju web stranice Agencije za statistiku BiH, koji će pomoći u nastojanju Agencije da pruži što kvalitetnije informacije krajnjim korisnicima.

6.06 Informisanost i diseminacija

Publikacije, saopštenja, web stranica, Intranet

Pripremljeno je i štampano u tri lokalne jezične varijante 10 redovnih i 2 vanredne publikacije (BiH u brojevima i liflet povodom Svjetskog dana statistike); objavljena su 133 mjesečna, kvartalna i godišnja saopštenja iz svih statističkih oblasti (demografija, nacionalni računi, indeks potrošačkih cijena, zaposlenost, nezaposlenost, turizam, vanjska trgovina, bruto i neto plaće, industrija, građevinarstvo, poljoprivreda, šumarstvo, distributivna trgovina, okoliš, obrazovanje, promet); Klasifikacija djelatnosti BiH 2010 u knjizi. Uspostavljena je i pripremljena za puštanje u rad početkom 2011. godine i nova dinamička web stranica, koja će korisnicima pružiti niz novina i omogućiti interaktivan pristup.

Pripremljen je i štampan godišnji plan Agencije, na sva tri lokalna jezika.

Najveći dio vremena uložen je na lektorisanju, te pripremi za štampu osnovnih ekonomskih klasifikacija:

- Klasifikacija djelatnosti KD (objavljena u Službenom listu),
- Klasifikacija proizvoda po djelatnosti KPPD,
- Nomenklatura industrijskih proizvoda NIP (biće objavljene u januaru 2011. godine).

Formirane su baze gore navedenih klasifikacija.

Sve publikacije su lektorisane i pripremljene u tri lokalne jezične varijante, bosanski, hrvatski i srpski, a djelomično i prevedene na engleski jezik, te

publikovane i na web stranici Agencije. Web i Intranet stranica su redovno ažurirane. Dizajnirani su i pripremljeni za štampu upitnici za ankete, kalendari, rokovnici, čestitke.

Koncept i izgradnja baza podataka

Razvijene su slijedeće baze podataka:
- Baza za korisnike i korisničke zahtjeve
- Baze ekonomskih klasifikacija
- DEV INFO baza za publikovanje podataka o siromaštvu i općih podataka o BiH

Odnosi s javnošću i korisnicima

Rješavani su korisnički zahtjevi iz publikovanih podataka ili putem posebne obrade; pomoć korisnicima pri traženju podataka i pretraživanju baza podataka; redovno obavještanje o najnovijim statističkim publikacijama prema planu publikovanja; ažuriranje i pravovremena popuna upitnika međunarodnih organizacija; održavane su redovne mjesečne press konferencije, dvije tematske konferencije i konferencija o siromaštvu.

6.09 Međunarodna saradnja i evropske integracije

Realizovane aktivnosti

1. Kontakti sa međunarodnim institucijama i organizacijama bili su intenzivni i 2010. godine. Naročito je bila intenzivna komunikacija sa Eurostat-om (redovne aktivnosti i pitanje Popisa stanovništva u BiH). U maju je vršena redovna procjena statističkog sistema u BiH od strane stručnjaka iz Eurostat-a.

Za 2011. godinu dogovorena je Globalna procjena statističkog sistema u BiH i dolazak eksperta koji će procijeniti spremnost BH za vršenje Popisa stanovništva nakon donošenja Zakona o popisu. Od ostalih izdvajaju se aktivni donatori u statistici: Sida, DFID, ISTAT, UN agencije, MMF.

2. U protekloj godini je, kao i obično, nekoliko projekata bilo u implementaciji:

a) Nacionalni projekti

- IPA 2008 Twinning Light projekat (period implementacije od novembra 2009. do maja 2010. godine); predstavljao je direktni nastavak velikog CARDS Twinning projekta i imao je četiri komponente (kratkoročne statistike, industrija/PPI,IPI; strukturne biznis statistike/SBS; IT obuka; institucionalno jačanje) Realizovan je u saradnji sa ISTAT-om i zbog kratkoće projekta neke aktivnosti nisu implementirane u toku trajanja projekta, ali ih je ISTAT naknadno realizovao o svom trošku. Ostvareni su planirani ciljevi.

- IPA 2007 Nacionalni projekat, tehnička pomoć za pripremu Popisa stanovništva (period implementacije od januara 2010. do januara 2011. godine), a realizovan je od strane konzorcija (vodeći turski partner). Zbog nekih objektivnih poteškoća (zakon o popisu nije usvojen, vođa projekta odustao je nakon prva tri mjeseca) projekat nije izvršio sve planirane ciljeve uključujući i implementaciju Pilot popisa.

- Nacionalni projekat koji finansira Sida a implementira Švedska statistika (faza II, period od januara 2010. do decembra 2011. godine). Komponente projekta se odnose na aktivnosti: statistička metodologija; šumarstvo; okoliš; energetika; tržište rada; rodna/gender statistika; STS/kratkoročne statistike. Projekat se nastavlja i u 2011. godini, a sve planirano do sada je i realizovano.

b) Regionalni projekti

IPA 2008 Višekorisnički projekat za statistiku, zvanično započeo sa implementacijom u decembru 2009. godine i trajeće 20 mjeseci. Sadrži 11 pilot projekata (vanjska trgovina, PPP, statistika cijena - PPP, statistika cijena HICP, pripreme za popis stanovništva; statistika radnih mjesta;

nacionalni računi, priprema ekonomskih računa u poljoprivredi; prijenos statističkih podataka; strukturne biznis statistike/SBS; Prodcum; Biznis registar) i BiH uzima učešće u svih jedanaest. Ovaj program ima komponentu za finansiranje učešća na međunarodnim sastancima, i obukama i slično za koju je odgovoran Odjel međunarodne saradnje. Koristeći ovu mogućnost iz IPA fonda je finansirano učešće naših predstavnika na velikom broju važnih sastanaka.

Sida Regionalni projekat je započeo u proljeće 2008. godine. Implementirano je više aktivnosti (komunikacije i korporativni imidž, prikupljanje podataka, ljetna škola itd.). Projekat se nastavlja i u 2011. godini.

3. Učešće naših predstavnika na sastancima raznih radnih grupa u organizaciji Eurostata i raznih međunarodnih organizacija bilo je omogućeno najčešće putem donatorskih sredstava (uglavnom kroz pomenute IPA 2007 i 2008 MBP) i vlastitim sredstvima.

Statističari iz sve tri institucije i iz skoro svih oblasti imali su priliku sudjelovati na međunarodnim sastancima i radnim grupama.

Aktivno sudjelovanje Agencija je imala i na redovnim godišnjim sastancima kojima prisustvuju samo predstavnici sa nivoa države, kao što su: UNSD u New York-u, MGSC u Luxembourgu, DGINS-a u Bugarskoj.

Važna aktivnost za Agenciju bila je organizacija redovnog PGSC-a sastanka u Sarajevu u oktobru 2010. godine. Sastanak je uspješno održan i organizacija od strane Odjela za međunarodnu saradnju je ocijenjena kao veoma dobra.

Stručna obuka u različitim statističkim oblastima organizovana je i implementirana naročito u okviru IPA regionalnog projekta i Sida/SCB nacionalnog i regionalnog projekta.

Generalna skupština UN proglasila je 20. oktobar Svjetskim danom statistike i on je ove godine prvi put obilježen u 192 države članice, a među njima i BiH. Agencija je dostojno obilježila Svjetski dan statistike, oglašavajući se saopštenjem za javnost i štampanjem lifleta za ovu prigodu, zatim održavanjem tematske konferencije na temu: "Index potrošačkih cijena BiH, kako približiti statistiku krajnjim korisnicima" i objavljivanjem publikacije "BiH u brojevima".

4. U decembru 2010. godine potpisan je bilateralni ugovor o saradnji sa Državnim zavodom za statistiku Republike Slovenije na osnovu kojeg se planiraju važne aktivnosti u 2011. godini. U kontaktima sa Direkcijom za evropske integracije dogovoreno je da bilateralne aktivnosti sa Slovenijom iz oblasti statistike budu realizovane u okviru Sporazuma o privrednoj saradnji između Vijeća ministara BiH i Vlade Republike Slovenije, koji je potpisan u 2009. godini. Pripremljen je spisak aktivnosti koje mogu biti predmetom buduće saradnje.

5. Agencija je i u 2010. godini uzela učešće u samoprocjeni vlastitih statističkih podataka i njihovoj uporedivosti sa evropskim (upotrebom SMIS+ programa, aktivnost koju organizuje Eurostat, a u BiH koordinira Odjel za međunarodnu saradnju). Naša samoprocjena i ovaj put je zvanično odobrena i Eurostat je u decembru 2010. godine dostavio svoje komentare. Pravovremeno i redovno se dostavljaju podaci u Eurostat (za potrebe njihove publikacije) putem posebnih upitnika. Na žalost, još uvijek se komentari koje dostavi Eurostat ne koriste dovoljno za naše vlastite potrebe (npr. kod pravljenja planova i za poboljšanje rada).

6. U proteklom periodu Odjel međunarodne saradnje bio je zadužen za reprogramiranje IPA 2008 i pripremu idejnog projekta za IPA 2011-2013 fond. Sve je rađeno u saradnji sa entitetskim institucijama.

7. Koordinacija unutar statističkog sistema obuhvaća redovnu komunikaciju sa entitetskim zavodima za statistiku, kao i drugim institucijama koje dostavljaju podatke za statistiku. U protekloj godini

pojačana je saradnja sa Ministarstvom civilnih poslova (naročito oblast zdravstva). Priprema se i potpisivanje Sporazuma o saradnji.

8. Vršeno je redovno praćenje Evropskog partnerstva i obaveza koje ima statistika. To je uključivalo redovno informisanje putem učešća na sastancima i slanja različitih vrsta izvještaja, te koordinaciju unutar statističkog sistema. Svi zadaci su urađeni na vrijeme.

9. U protekloj godini Odjel je na ad hoc osnovi radio i poslove usmenog i pismenog prevođenja različitih dokumenta.

U pripremi je potpisivanje bilateralnog sporazuma s statistikom Crne Gore i Turske.

6.10 Istraživački i metodološki rad

Preuzimanje podataka iz administrativnih izvora Agencija je pripremila Uputstvo o postupku preuzimanja podataka iz administrativnih izvora. U tom dokumentu opisane su sve neophodne procedure u postupku preuzimanja i postupanja sa podacima iz administrativnih izvora.

Način korekcije grešaka u publikovanim izdanjima Ovim dokumentom Agencija za statistiku Bosne i Hercegovine utvrđuje smjernice za postupanje u slučajevima korekcije statističkih podataka ili informacija u svojim publikovanim izdanjima. Uputstvom se utvrđuju: procedure informisanja i odlučivanja o eliminisanju grešaka u publikovanim izdanjima; metode korekcije grešaka i ponovnog objavljivanja statističkih podataka ili informacija; načini informisanja korisnika o greškama i korekcijama grešaka u publikovanim izdanjima i forma za jedinstveno editovanje korekcija statističkih podataka ili informacija.

6.11 Zaštita podataka i statistička povjerljivost

Statistička zaštita i povjerljivost Agencija za statistiku, u skladu sa svojim nadležnostima i obavezama (sadržanim u članu 8 tačka c; članu 9 tačka 2; članu 18 tačka 4; članu 19 tačke 3 i 6; i članovima od 23 do 29 Zakona o statistici Bosne i Hercegovine »Sl. Glasnik BiH, br. 26/04«) je utvrdila osnovne principe i smjernice po pitanju statističke povjerljivosti i zaštite podataka u nadležnim statističkim institucijama i ostalim ovlaštenim proizvođačima statistika u Bosni i Hercegovini. Statistička povjerljivost i zaštita podataka zauzima visok prioritet i osnovni je princip koji poštuju statističke institucije i ostali proizvođači statistika u Bosni i Hercegovini s ciljem osiguranja i očuvanja povjerenja javnosti i statističkih izvještajnih jedinica.

7.01 Upravljanje IT infrastrukturom

Održavanje i razmjena Razmjena podataka sa EUROSTAT-om vrši se putem jedinstvenih programskih alata koje je omogućio Eurostat. Unaprijeđena je postojeća ICT infrastruktura, kako kroz nabavku nove opreme tako i kroz uvođenje stadarda.

7.02 Ljudski resursi

Normativno – pravna djelatnost Prijedlog Zakona o Popisu stanovništva usvojen je na Predstavničkom domu Parlamentarne skupštine BiH, potrebno usvajanje ovog zakona na Domu naroda Parlamentarne skupštine BiH.

Vijeće ministara BiH je na 108. sjednici održanoj 10.12. 2010 godine utvrdilo Prijedlog zakona o izmjenama zakona o klasifikaciji djelatnosti u Bosni i Hercegovini. U sklopu IPA 2007 projekta „Jačanje i harmonizacija poljoprivrednog i ruralnog informacionog sistema“ pripremljen je Prednacrt Zakona o popisu poljoprivrede i ruralnog razvoja u Bosni i Hercegovini“.

Nakon usvajanja Zakona o izmjenama zakona o klasifikaciji djelatnosti Bosne i Hercegovine, Podružnica Brčko pokrenula je proceduru za izmjene postojećeg Zakona o klasifikaciji djelatnosti Distrikta Brčko BiH. Zakon je donesen u predviđenom roku i isti je objavljen u „Sl. glasniku Distrikta Brčko BiH“ broj 59/2010. Odluka o KD BiH 2010 počela se primjenjivati od 01.01.2011. godine.

Donesen je Zakon o izmjenama i dopunama Zakona o klasifikaciji djelatnosti BiH (Sl. Glasnik BiH, br. 32/10). Donesena je Odluka o Klasifikaciji djelatnosti BiH 2010 („Sl. Glasnik BiH, br. 47/10“). Odluka i Klasifikacija zanimanja BiH objavljene su u („Sl. Glasniku BiH, broj 46/10“).

Pripremljen je Prijedlog izmjena zakona o statistici BiH i Prijedlog odluke o formiranju interesorsne radne grupe za izradu Regionalne klasifikacije BiH, koji će biti upućeni na Vijeće ministara početkom 2011. godine.

U decembru 2010. potpisan je bilatelarni ugovor o saradnji sa Zavodom za statistiku Republike Slovenije na osnovu kojeg se planiraju važne aktivnosti u 2011. godini.

Kadrovska popunjenost Pravilnikom o unutrašnjoj organizaciji Agencije za statistiku BiH (broj 1187/08 od 02.06.2008 godine) za vršenje poslova iz nadležnosti Agencije sistematizirano je ukupno 192 izvršioca, i to:

direktor 1, zamjenik direktora 2, pomoćnika direktora 9, šefova odsjeka 23, ostali državni službenici 145, namještenici 12.

U Agenciji čija se unutrašnja organizacija i način rada zasniva na funkcionalnoj povezanosti unutrašnjih organizacijskih jedinica, od ukupno sistematiziranih 192 radna mjesta, na dan 31.12.2010. godine popunjeno je ukupno 94 radna mjesta (što procentualno iznosi 49% od ukupnog broja sistematiziranih radnih mjesta), od čega je: direktor 1, zamjenik direktora 2, pomoćnik direktora 5, načelnik odjeljenja 1, šefova odsjeka 14, ostalih državnih službenika 54, namještenika 10 i pripravnika 7.

Agencija je u potpunosti ispunila plan prijema novih zaposlenika za 2010. godinu.

7.03 Upravljanje finansijskim sredstvima

Izveštaj Ureda za reviziju

Izveštaj o reviziji finansijskog poslovanja Agencije za statistiku BiH za 2009. godinu je pozitivno. Agencija je i u 2010. godini nastavila aktivnosti na daljem unaprijeđenju svog rada i primjeni preporuka Ureda za reviziju.

Izvršenje budžeta na dan 31.12.2010.*

KONTO	OPIS	Budžet za 2010.	Izvršenje	Indeks
			2010.	
I	TEKUĆI IZDACI	4.041.000	3.427.598	85
6111	Bruto plaće i naknade	2.580.000	2.344.605	91
6112	Naknade troškova zaposlenih i skupštinskih zastupnika	314.000	298.506	95
6131	Putni troškovi	133.000	95.636	72
6132	Izdaci telefonskih i poštanskih usluga	91.000	65.923	72
6133	Izdaci za energiju i komunalne usluge	66.000	45.697	69
6134	Nabavka materijala	122.000	89.780	74
6135	Izdaci za usluge prijevoza i goriva	26.000	20.293	78
6136	Unajmljivanje imovine i opreme	200.000	191.763	96
6137	Izdaci za tekuće održavanje	164.000	150.420	92
6138	Izdaci osiguranja, bankarskih usluga i usluge platnog prometa	7.000	1.895	27
6139	Ugovorene usluge	338.000	123.080	36
II	KAPITALNI IZDACI	417.000	412.782	99
8213	Nabavka opreme - redovni	417.000	412.782	99
	UKUPNO - RASHODI FINANSIRANI IZ BUDŽETA (I-II)	4.458.000	3.840.380	86
II a	VIŠEGODIŠNJI KAPITALNI IZDACI - POPIS STANOVNIŠTVA	935.237	5.218	0,6
	Nabavka opreme za Popis stanovništva	935.237	5.218	0,6
	UKUPNO RASHODI FINANSIRANI IZ BUDŽETA (I+II+II a)	5.393.237	3.845.598	71
III	PROGRAMI POSEBNE NAMJENE			
	Ažurisanje glavnog uzorka	97.450	89.712	92
	Anketa HBS	10.551	8.989	85
	Anketa Prošireni HBS	175.853	110.762	63
	Cards 2005 Twinning project	41.917	38.434	92
	Ostale donacije	83.833	30.781	37
	SIDA projekti	24.000	13.476	56
	UKUPNO	433.604	292.154	67

*Agenciji za statistiku Bosne i Hercegovine je budžetom za 2009. godine odobren iznos od 1.000.000,00 KM kao višegodišnji kapitalni projekat "Popis stanovništva, domaćinstava i stanova", od čega je tokom 2009. godine utrošeno 64.762,00 KM, a u 2010. godini 5.218,00 KM. Razlog niskog izvršenja je nedonošenje Zakona o popisu, koji će odrediti način provođenja popisa. Neutrošena sredstva se prenose u 2011. godini u kojoj bi trebao da se provede i Pilot popis. Programi posebne namjene koji nisu završeni i utrošeni u tekućoj godini se prenose u narednu 2011. godinu.

PROBLEMI U RADU

Poštivanje Zakona o statistici BiH

Glavni problem u radu Agencije i dalje predstavlja primjena i različitost u tumačenju odredbi Zakona o statistici BiH. Sporazum o primjeni jedinstvenih metodologija i jedinstvenih standarda pri izradi statističkih podataka BiH, i dalje ne doprinosi unaprijeđenju saradnje statističkih institucija. I dalje imamo razlike u tumačenju i primjeni odredbi Zakona, pogotovo kada se radi o bezuslovnoj dostavi neophodnih, prvenstveno određenog seta individualnih podataka Agenciji od strane Republičkog zavoda za statistiku republike Srpske, čime se direktno krše odredbe Zakona o statistici BiH, kao i Zakona o statistici RS. Iz razloga daljeg harmonizovanja statističke legislative BiH s EU Aqvi, Agencija za statistiku je pripremila Prijedlog izmjena Zakona o statistici BiH koji će u toku 2011. godine uputiti u parlamentarnu proceduru.

Dostavljanje administrativnih podataka

Isti problem je i dalje prisutan i po pitanju osiguranja traženih podataka vezano za podatke neophodne za statistiku vanjske trgovine, tj. nedostavljanje podataka sa jedinstvenim identifikacionim brojem tvrtki od strane Uprave za indirektno oporezivanje BiH.

Koordinacija unutar institucija BiH

I dalje je jedan od problema nedovoljna saradnja i koordinacija između institucija BiH. Iako postoji određeni napredak, Agencija često nije upoznata, ili je upoznata najčešće tek nakon donošenja određenih propisa i realizacije Projekata, a koji imaju veze i doticaja sa statistikom.

Obračun ulaganja sredstava u investicije

Zbog postojećeg problema vezanog za dostavljanje kompletne baze podataka iz RZS RS obračun je urađen korištenjem anonimnih mikropodataka RZS RS i kompletne baze podataka dostavljene od strane FZS FBiH i Distrikta Brčko BiH.

Realizovanje IPA 2007 Nacionalni projekat

Prilikom realizovanja IPA 2007 Nacionalni projekat - tehnička pomoć za pripremu Popisa stanovništva došlo je do prekida istog zbog objektivnih poteškoća (zakon o popisu nije usvojen, vođa projekta odustao nakon tri prva mjeseca).

Kratkoročna statistika industrijske proizvodnje

Jedan od osnovnih problema koji je ostao otvoren je utvrđivanje zajedničkog panela statističkih jedinica za mjesečno istraživanje i načina upravljanja panelom tako da se on održava što je moguće stabilnijim. Pokazatelji kvalitete su također važan element metodologije, ali entiteti i DBBiH ih još uvijek ne dostavljaju. Analizom konzistentnosti rezultata za BiH i entitetskih pokazatelja utvrđena je potreba za dodatnim usklađivanjem.

Ažurisanje statističkog poslovnog registra

Jedan od bitnih izvora za poboljšanje kvalitete podataka predstavljaju podaci iz PDV prijave Uprave za indirektno oporezivanje. Unatoč potpisanom Sporazumu sa Upravom podaci do sada nisu dostavljeni Agenciji, što predstavlja problem vezan za kvalitetu podataka Statističkog poslovnog registra. Problem SPR-a je i nepostojanje adekvatnih podataka o broju zaposlenih za poslovne subjekte. Za određivanje veličine poslovnih subjekata po kriteriju broja zaposlenih, trenutno se kao izvor koriste podaci iz godišnjih završnih računa, iako su se kao adekvatni izvori trebali koristiti podaci o zaposlenima iz entitetskih fondova PIO/MIO. Federalni zavod za statistiku nije dobijao podatke iz tog izvora.

Anketa o troškovima rada

Problem iz Pilot istraživanja - koji može imati za posljedicu neobjavlivanje podataka iz Ankete o troškovima rada na nivou BiH, kao i samu svrhu provođenja Pilot istraživanja, a sastoji se u tome da, Agencija ne može dobiti mikropodatke iz RZS RS koji se odnose na taj entitet.

PRILOG

PREGLED PUBLIKOVANJA U 2010. GODINI

TEMATSKI BILTENI:

- Demografija - 2009
- Kultura i umjetnost - 2009
- Socijalna zaštita u BIH 2003-2008
- Vanjska trgovina - 2009
- Bruto domaći proizvod (prema proizvodnom pristupu 2000-2009; prema dohodovnom pristupu 2005-2009; prema rashodnom pristupu – eksperimentalno, 2004-2009)
- Industrijska proizvodnja u 2009. godini – prethodni PRODCOM rezultati
- Indeks potrošačkih cijena u BIH 2008-2009
- Investicije - 2009
- BiH u brojevima - 2010

ANKETE:

Anketa o radnoj snazi 2010 - Konačni rezultati

SAOPŠTENJA:

- Statistika vanjske trgovine – 12 brojeva
- Demografija – 5 brojeva
- Statistika nacionalnih računa – 4 broja
- Građevinarstvo – 8 brojeva
- Statistika obrazovanja – 2 broja
- Poljoprivreda - 12 brojeva
- Šumarstvo – 5 brojeva
- Turizam – 12 brojeva
- Okoliš – 8 brojeva
- Indeks cijena potrošača (CPI)-12 brojeva
- Zaposlenost i nezaposlenost – 12 brojeva
- Prosječne neto i bruto plaće: mjesečnih 12, kvartalnih 4 i polugodišnjih 2 broja
- Industrijska proizvodnja - 12 brojeva
- Statistika saobraćaja – 5 brojeva
- Anketa o radnoj snazi 2010 - Preliminarni podaci
- Distributivna trgovina – 4 broja
- Statistika telekomunikacionih usluga - 2009

OSTALE PUBLIKACIJE:

- Opis izvora i metoda korištenih u kompilaciji nefinansijskih nacionalnih računa
- Svjetski dan statistike – prigodna brošura

GODIŠNJI IZVJEŠTAJ

o provedbi Statističkog programa
od značaja za Distrikt Brčko BiH u 2010. godini

GODIŠNJI IZVJEŠTAJ

O izvršenju Statističkog programa od posebnog interesa za Distrikt Brčko Bosne i Hercegovine u 2010. godini.

UVODNA RIJEČ

Izvještaj o izvršenju Statističkog programa od posebnog interesa za Distrikt Brčko BiH u 2010. godini podnosi Agencija za statistiku BiH u skladu sa članom 33 Zakona o statistici BiH ("Službeni glasnik BiH" broj: 26/04) i članu 6 i 7 Sporazuma o preuzimanju poslova, opreme, finansijskih sredstava i zaposlenih sa Biroa za statistiku Distrikta Brčko BiH.

Izvještajem su obuhvaćena sva statistička istraživanja i statističke aktivnosti utvrđene Statističkim programom od posebnog interesa za Distrikt Brčko BiH u 2010. godini.

Sa ciljem dobijanja relevantnih statističkih podataka za većinu statističkih istraživanja obavljen je prošireni obuhvat; u njega su bili uključeni poslovni subjekti sa sjedištem u Distriktu Brčko BiH, kao i dijelovi poslovnih subjekata - "Podružnica" koje posluju na teritoriju Distrikta Brčko BiH, a sjedište im je u entitetima, mimo utvrđenih kriterija i prakse koja se provodi u entitetima.

Od ukupno 162 statistička istraživanja i aktivnosti Podružnica/Ekspozitura Brčko provela je 86 statističkih istraživanja oficijalne statistike i 24 ostalih aktivnosti, 7 nadležnih ovlaštenih tijela za provođenje statističkih istraživanja, provelo je 48 istraživanja, nisu izvršena 4 statistička istraživanja preuzeta iz Plana rada Agencije za statistiku BiH.

U Distriktu Brčko BIH zaokružen je proces proizvodnje statistike sa svim fazama, kao i u entitetima. Ažurisano je vođen Jedinstveni registar poslovnih i drugih subjekata i njihovih dijelova, Statistički poslovni registar, te Registar prostornih jedinica kao osnova za pravilan i potpun obuhvat jedinica posmatranja.

Pripreman je, štampan i izvještajnim jedinicama upućen statistički instrumentarij za provođenje svih istraživanja. Vršeni su prijem i kontrola izvještaja i ostale statističke građe i proveden terenski rad. Podaci su obrađivani u skladu sa postojećom metodologijom. Rađene su i dodatne obrade za pojedina statistička istraživanja u slučaju proširenog obuhvata.

Kreirane su baze podataka i korisnicima su blagovremeno obezbijeđeni podaci.

Prioritetno su obezbijeđeni podaci potrebni poslovnim i drugim subjektima, institucijama Distrikta Brčko BiH i građanima u ostvarivanju njihovih prava i obaveza (podaci o BDP, prosječnim plaćama, koeficijentima rasta potrošačkih cijana i sl.).

Dobra je saradnja ostvarena i sa entitetskim zavodima za statistiku.

1.01 Statistika stanovništva

Vitalna statistika (rođeni, umrli, zaključeni i razvedeni brakovi)

Obrađeni su i u posebnoj tematskoj publikaciji iskazani podaci i pokazatelji demografije za period 2005 – 2009. godine, gdje su pored procjena iskazani podaci statistike rođenih, umrlih i zaključenih i razvedenih brakova u serijama po navedenim godinama. Za 2009. godinu iskazani su detaljni podaci.

Procjena broja stanovništva

U 2010. godini izrađene su procjene stanovništva za 2009. godinu. Procijenjen je broj ukupnog stanovništva sa prebivalištem na teritoriji Distrikta Brčko BiH, broj prisutnog stanovništva, te broj domaćinstava koji se koriste za razne druge statističke analize. Procjena prisutnog stanovništva izvršena je prema spolu, starosti i starosnim grupama. Kao osnova za procjene korišteni su rezultati obrade demografskih podataka Poljoprivrednog popisa iz 2002. godine i podaci vitalne statistike bez podataka o migracijama 2002-2009. godine.

1.02 Statistika tržišta rada

Statistika zarada, zaposlenosti i nezaposlenosti

U oblasti statistike tržišta rada redovno su prikupljeni i obrađivani podaci o prosječnim neto i bruto plaćama o zaposlenom kod pravnih osoba i samostalnih preduzetnika po klasifikaciji djelatnosti, podaci o nezaposlenima i prosječnim penzijama za nivo Distrikta Brčko BiH.

Anketa o radnoj snazi

Prema utvrđenoj dinamici na godišnjem nivou u aprilu 2010. godine po peti put je provedena metodom uzorka Anketa o radnoj snazi, ARS. Anketirano je ukupno 1000 izabраниh domaćinstava. Predhodni rezultati ankete objavljeni su u septembru 2010. godine. Kompletni konačni rezultati ove ankete mogu se naći na web stranici Agencije za statistiku BiH.

Anketa o troškovima rada

Realizirana je Anketa o troškovima rada sa uzorkom izabrana preduzeća sa 10 i više zaposlenih, zastupljena u svim područjima Klasifikacije djelatnosti.

Anketa o korištenju vremena

Polovinom decembra 2010. godine počela je provedba Pilot Ankete o korištenju vremena na terenu. Šifriranje i unošenje podataka dobivenih popunjavanjem upitnika vršiti će se u 2011. godini. Također sudjelovalo se na više različitih radionica gdje su se sticala iskustva kako izbjeći probleme koje su imale druge zemlje i kako poboljšati provođenje naše ankete.

1.03 Statistika obrazovanja

Statistika osnovnog, srednjeg i visokog obrazovanja

U oblasti statistike obrazovanja provedana su sva statistička istraživanja, a rezultati obrade su iskazani u posebnoj tematskoj publikaciji. Po prvi put ove godine unose se podaci o upisanim studentima na Ekonomski fakultet u Brčkom u aplikaciju koju smo dobili od Republičkog zavoda za statistiku Republike Srpske.

1.04 Statistika kulture

Kultura i umjetnost Provedena su statistička istraživanja iz oblasti kulture tj. prikupljeni su podaci o radio i TV stanicama, kinima, pozorištima i bibliotekama. Potrebno je raditi na daljem usklađivanju načina prikupljanja i obrade podataka vezanih za biblioteke i knjižni fond.

1.05 Statistika zdravstva

Tematska publikacija Iz oblasti statistike zdravstva, a u saradnji sa Odjelom za zdravstvo, izvršena je obrada podataka za posljednju godinu - a rezultati obrade su iskazani u posebnoj tematskoj publikaciji.

1.07 Statistika socijalne zaštite

Korisnici i ustanove socijalne zaštite U oblasti statistike socijalne zaštite provedena su sva statistička istraživanja, a rezultati obrade iskazani su u posebnoj tematskoj publikaciji za period od 2005. do 2009. godine.

1.10 Statistika kriminaliteta

Istraživanja iz oblasti statistike kriminaliteta Statistička istraživanja ostalih društvenih područja - za područje pravosuđa - kriminaliteta objedinjava Pravosudna komisija, a ostala istraživanja u svom domenu Policija Distrikta Brčko BiH.

2. MAKROEKONOMSKE STATISTIKE

2.01 Godišnji ekonomski računi

Obračun BDP za nivo BiH Urađen je obračun BDP za 2009. godinu prema proizvodnoj metodi. Bruto domaći proizvod prema proizvodnoj metodi obračunat je na bazi bruto dodane vrijednosti u tekućim cijenama i primjenom metodologija SNA 93 UN i ESA 95 Eurostata kao jedinstvenog standarda.

Obračunom su obuhvaćene institucionalne jedinice iz svih sektora: nefinansijski sektor, finansijski sektor, sektor Vlade, neprofitne institucije koje služe domaćinstvima i sektor domaćinstva, odnosno obuhvaćena je cijela ekonomija Distrikta Brčko BiH.

Obračun BDP izvršen je na dva načina:

-prema sjedištu osnovnog poslovnog subjekta i pretežnoj djelatnosti za nivo BiH i

-po principu regionalnih računa sa uključenim podacima za podružnice kako bi se dobili relevantni podaci za lokalne potrebe.

Objavljena je tematska publikacija o BDP za Distrikt Brčko BiH u 2008. godini prema proizvodnoj i dohodovnoj metodi i u tekućim cijenama sa elementima procjene neobuhvaćenih ekonomskih aktivnosti.

Statistiku finansijskih računa provodila je Filijala CB BIH provođenjem pet mjesečnih statističkih istraživanja utvrđenih Programom. Vladine finansije praćene su redovnim provođenjem tri statistička istraživanja Filijale CB BiH: servisiranje vanjskog duga i otplata međunarodnih obaveza, budžetski prihodi i rashodi i neplaćeni javni prihodi, te istraživanjem Direkcije za finansije o bruto naplati prihoda preko uplatnih računa. Podaci su obrađivani, a dijelom i publikovani u redovnoj publikaciji.

Obračun ulaganja sredstava u investicije

Provedeno je statističko istraživanje o investicijama pravnih osoba u 2009. godini. Podaci ovog istraživanja su prikupljeni i uneseni u skladu sa zahtjevima obrasca, a publikacija je objavljena i za predhodne godine sa podacima za preduzeća čije je sjedište u Distriktu Brčko BiH (organizacioni princip). U publikaciji je prikazana 2009. godina sa detaljnim razradama po organizacionom principu i principu čistih djelatnosti.

Pilot istraživanje

U okviru IPA-2008 Regional provedeno je Pilot istraživanje o strukturi prihoda i međufazne potrošnje za preduzeća, budžete, finansijske institucije i neprofitne institucije.

2.06 Statistika cijena

Indeksi potrošačkih cijena u BiH

U oblasti statistike cijena i potrošnje tokom 2010. godine redovno su snimane potrošačke cijene na izabranim mjestima, podaci obrađivani u Agenciji i na osnovu toga objavljujuna saopštenja o kretanju indeksa potrošačkih cijena u Distriktu Brčko BiH na mjesečnom nivou. Na bazi indeksa računati su koeficijenti rasta potrošačkih cijena neophodni za obračun zateznih kamata u skladu sa odredbama Zakona o zateznim kamatama u Distriktu Brčko BiH.

Indeks proizvođačkih cijena

U 2010. godini nastavilo se sa prikupljanjem i unosom podataka potrebnih za obračun Indeksa cijena proizvođača u zajedničkoj aplikaciji za nivo BiH.

2.07 Statistika vanjske trgovine

Vanjska trgovina

U 2010. godini prikupljeni su podaci o vanjskotrgovačkom prometu sa inostranstvom, a objavljena je i tematska publikacija sa detaljnim podacima za 2009. godinu i prvih šest mjeseci 2010. godine, te sa osnovnim podacima za predhodne godine.

3. POSLOVNE STATISTIKE

3.01 Godišnje poslovne statistike

Strukturne poslovne statistike

Provedeno je Strukturno poslovno istraživanje za 174 izabrane pravne osobe u područjima djelatnosti Prerađivačke industrije, Energije, Građevinarstva, Ugostiteljstva i Saobraćaja.

Godišnja statistika industrijske proizvodnje

Provedeno je strukturno istraživanje industrije IND 21 za 2009. godinu i prikupljeni godišnji podaci o proizvedenim količinama proizvoda za dalju proizvodnju, promjeni zaliha, prodaji proizvoda i sl.

3.02 Kratkoročne poslovne statistike

Kratkoročna statistika industrijske proizvodnje

Provođena su istraživanja proizvodne statistike i kratkoročne statistike preduzeća. Mjesečno istraživanje industrije redovno je provođeno, podaci su obrađivani, a indeks fizičkog obima industrijske proizvodnje je računat za nivo BiH sa uključenim podacima za Brčko.

Kratkoročna statistika građevinarstva	Provođeno je mjesečno istraživanje, te su kontinuirano objavljavani podaci koji se odnose na vrijednost građevinskih radova, broj radnika i efektivne sate rada. Podaci su obrađivani za potrebe Agencije za statistiku BiH tj. za nivo obrade BiH po slijedećim stavkama: vrijednost izvršenih građevinskih radova, od toga: novogradnja, rekonstrukcije, popravci, održavanja; koliko se odnosi na objekte visokogradnje, a koliko na objekte niskogradnje. Podaci su prikupljeni za sva preduzeća registrovana u djelatnosti građevinarstva sa deset i više zaposlenih radnika.
Distributivna trgovina	U oblasti trgovine provedena su mjesečna i kvartalna istraživanja, a obrađeni podaci nisu objavljavani za nivo distrikta, nego su obrade dostavljene Agenciji za statistiku BiH.
Statistika turizma	I istraživanja iz oblasti turizma i ugostiteljstva redovno su provođena, obrada podataka je vršena, a rezultati obrade publikovani su u redovnim publikacijama.
Saobraćaj i komunikacije	Redovno su provođena statistička istraživanja iz oblasti statistike saobraćaja: statistika cestovnog prijevoza putnika, robe, željezničkog prijevoza, pretovarima i uslugama u pristaništu, poštanskog prometa i telekomunikacija.

3.06 Statistički poslovni registar

Ažurisanje poslovnog registra	Nastavljene su aktivnosti vezane za unapređenje statističkog poslovnog registra kroz njegovo dopunjavanje podacima i ažurisanje prema dinamici utvrđenoj od strane Agencije za statistiku BiH. Statistički poslovni registar (SPR) počeo je da funkcioniše u 2009. godini. Tokom 2010. godine rađeno je na njegovom daljem dopunjavanju prema utvrđenoj dinamici rada.
--------------------------------------	--

U toku 2010. godine urađena je i preklasifikacija šifara djelatnosti u Statističkom poslovnom registru sa NACE Rev.1.1. na Rev.2. za sve pravne osobe, kako bismo imali osnov za izradu adresara u 2011. godini. Izvori za preklasifikaciju bili su različiti, a provedeno je i posebno statističko istraživanje za subjekte kod kojih nije bilo moguće 1:1 prešifriranje.

4. STATISTIKA POLJOPRIVREDE, ŠUMARSTVA I RIBARSTVA

Prikupljanje, obrada i objavljivanje podataka statistike poljoprivrede, šumarstva i ribarstva	Tokom 2010. godine aktivno je rađeno na prikupljanju i obradi podataka za izradu indeksa ulazno-izlaznih poljoprivrednih cijena u skladu sa propisanim međunarodnim standardima. Provedena su i sva ostala statistička istraživanja iz oblasti statistike poljoprivrede (ratarske proizvodnje i stočarstva), šumarstva, ribarstva i zaštite okoline zahvaljujući izuzetno dobroj saradnji sa Odjelom za poljoprivredu i šumarstvo, kao i drugim vladinim odjelima. Podaci o poljoprivredi iskazani su u posebnoj publikaciji.
--	---

5. MULTIDOMENSKE STATISTIKE

5.03 Statistika okoliša i računi

Statistika otpada, voda	Provedena su statistička istraživanja iz oblasti statistike zaštite okoline, statistike voda, zahvaljujući izuzetno dobroj saradnji sa vladinim odjelima u Distriktu Brčko BiH.
--------------------------------	---

Klasifikacija djelatnosti

Kao osnova za rad Agencije za statistiku BiH Podružnice /Ekspoziture Brčko primijenjivala se Klasifikacija djelatnosti NACE Rev.1.1. propisana Zakonom o klasifikaciji djelatnosti Distrikta Brčko BiH, usklađena na nivou BiH.

Stupanjem na snagu Zakona o izmjenama zakona o klasifikaciji djelatnosti Bosne i Hercegovine („Sl. glasnik BiH“ broj 32/10), postojeći Zakon o klasifikaciji djelatnosti Distrikta Brčko BiH morao je biti usklađen sa nastalim izmjenama u gore pomenutom zakonu.

Pokrenuli smo inicijativu za izmjene zakona, formirana je radna grupa i zakon je tokom 2010. godine usklađen sa državnim zakonom, a Odluka o klasifikaciji djelatnosti Distrikta Brčko BiH zasnovana na NACE Rev.2 donesena i objavljena u „Sl. glasniku Distrikta Brčko BiH“ i sa njenom primjenom se krenulo od 01.01.2011.godine.

Ostale klasifikacije

I sve ostale klasifikacije propisane od strane Agencije za statistiku BiH su odmah preuzete i primjenjuju se u postojećim softverskim rješenjima.

Ažurisanje registra prostornih jedinica

Značajna aktivnost urađena u 2010. godini bila je na ažurisanju Registra prostornih jedinica provedena u organizaciji Agencije za statistiku BiH koja je obezbijedila finansijska sredstva za realizaciju posla, a izvođač radova bio je Odjel za javni registar Pododjel za katastar.

Registar prostornih jedinica, katastarskih općina, naseljenih mjesta, MZ, statističkih i popisnih krugova sa utvrđenim nazivima, matičnim brojevima i mapama na katastarskim i topografskim kartama i opisima granica je izrađen 2003. godine zajedničkom aktivnošću tadašnjeg Statističkog biroa i Pododjela za katastar i od tada do 2010. godine nije urađeno ažurisanje u skladu sa nastalim izmjenama na terenu.

Težište posla u ažurisanju Registra prostornih jedinica bilo je na cijepanju popisnih krugova u skladu sa metodologijom, izrada novih digitalnih mapa na ortofoto podlozi i izmjena opisa granica statističkih i popisnih krugova prema trenutnom stanju.

Ažuran registar prostornih jedinica je prvi uslov za uspješno sprovođenje Popisa stanovništva, domaćinstva i stanova u BiH, aktivnosti koja predstoji u narednom periodu nakon usvajanja Zakona o popisu stanovništva, i na čijim pripremama statistika BiH intenzivno radi.

Vođenje i ažurisanje Jedinstvenog registra poslovnih subjekata

Posebna pažnja posvećena je urednom i ažurisanom vođenju Jedinstvenog Registra poslovnih i drugih subjekata i njihovih dijelova. Subjektima se utvrđuje glavna (pretežna) djelatnost i matični, odnosno poreski broj u saradnji sa Poreskom upravom. Podaci iz ovog registra koriste se za Statistički poslovni registar tj. za izradu adresara izvještajnih jedinica za sva statistička istraživanja koja se provode izvještajnom metodom.

Akti koji se izdaju u postupku statističke registracije služe poslovnim i drugim subjektima za ostvarivanje njihovih prava i obaveza: prijave radnika kod PIO/MIO i Fonda zdravstvenog osiguranja, za otvaranje bankovnih računa i slično. Podaci iz našeg Registra služe nadležnim tijelima za utvrđivanje obaveze predaje završnih računa za registrovane poslovne subjekte.

U 2010. godini proveden je postupak registracije 377 poslovnih subjekata i

njihovih dijelova, od čega: pravnih osoba 113, samostalnih preduzetnika 189, podružnica čije je sjedište u Distriktu Brčko BiH 31, i podružnica čije je sjedište izvan Distrikta Brčko BiH 44. Proveden je postupak 666 promjena u registru od čega je 432 brisanje iz registra. Ovi poslovi vode se ažurirano dnevno.

Od početka registracije do 31.12.2010. godine ukupno je registrovano 7.840 poslovnih subjekata i njihovih dijelova, od čega: pravnih osoba 2.370, samostalnih preduzetnika 4.525, podružnica sa sjedištem u Distriktu Brčko BiH 438 i podružnica čije je sjedište izvan Distrikta Brčko BiH 507. Provedena je 3.836 promjena, od čega brisanja iz registra 2.403.

Obuka zaposlenih

Kontinuirano je rađeno i na edukaciji zaposlenih u 2010. godini, prvenstveno kroz projekte u organizaciji Agencije za statistiku BiH i učešće u radu Radnih grupa za nacionalne račune, poljoprivredu, industriju, statistički poslovni registar i sl.

Publikacije, saopštenja

U oblasti informisanja uređeno je i izdato 6 redovnih publikacija "Bilten-statistički podaci" i 9 tematskih publikacija po posebnim oblastima statistike: „Indeksi potrošačkih cijena", "Statistika socijalne zaštite", "Statistika poljoprivrede", "Demografija", "Zdravstvena zaštita", "Statistika vanjske trgovine", Nacionalni računi", "Statistika obrazovanja" i „Statistika investicija" u kojima su date serije osnovnih podataka za predhodne godine i detaljni podaci za posljednju godinu obrade.

Publikacija „Statistika industrije,“ nije urađena zato što smo procijenili da treba uraditi određene korekcije na ponderima za nivo objavljivanja podataka u Distriktu Brčko BiH.

Publikacije su dostupne i u elektronskoj formi na web stranici Agencije za statistiku BiH i web stranici Vlade Distrikta Brčko BiH.

U vidu saopštenja redovno su u "Službenom glasniku Distrikta Brčko BiH" objavljivani podaci o mjesečnim prosječnim neto i bruto plaćama, te mjesečnim koeficijentima rasta potrošačkih cijena u Distriktu Brčko BiH. Na poseban zahtjev podaci su davani i drugim korisnicima (institucijama Distrikta Brčko BiH i institucijama BiH, naučnim i stručnim institucijama i dr.)

Koordinacija i odnosi sa korisnicima

Koordinacija i saradnja sa tijelima ovlaštenim za provođenje statističkih istraživanja i ostalim institucijama u Distriktu Brčko BiH bila je vrlo dobra, prvenstveno u planiranju i provođenju dijelova statističkih istraživanja koji se na njih odnose.

Sa Poreskom upravom vodi se zajednički registar poreskih obveznika i statistike, Odjel za zdravstvo Vlade vrši šifriranje uzroka smrti demografske statistike, u saradnji sa Odjelom za javni registar, u okviru priprema za popis stanovništva, vrši se ažuriranje Registra i evidencije teritorijalnih jedinica, Odjel za privredni razvoj i dalje snima potrošačke cijene za potrebe obračuna indeksa potrošačkih cijena za nivo Distrikta Brčko BiH i BiH, sa Direkcijom za finansije osiguravaju se detaljni podaci o izvršenju budžeta po nižim organizacionim jedinicama radi pravilne obrade po djelatnostima za obračun BDP. Neophodno je nastaviti sa ostvarivanjem aktivne koordinacije i saradnje sa institucijama ovlaštenim za provođenje statističkih istraživanja i drugim institucijama Distrikta Brčko BiH.

7. ADMINISTRATIVNA PODRŠKA

Održavanje opreme i obrada podataka

Elektronska obrada podataka vršena je bez većih problema za statistička istraživanja za koje su obezbijeđeni računarski programi. Blagovremeno je vršena priprema i instaliranje programa za unos i obradu podataka za 2010. godinu i blagovremeno su otklanjani zastoji u korištenju istih.

Redovno je održavana postojeća oprema, lokalna računarska mreža funkcionira, antivirusna zaštita postoji, omogućen je pristup Internetu za sve zaposlene korištenjem vlastite informacione mreže.

Vlada Distrikta Brčko BiH upotpunosti je ispoštovala obaveze iz Sporazuma o preuzimanju poslova, opreme, finansijskih sredstava i zaposlenih Biroa za statistiku Distrikta Brčko BiH, te je zahvaljujući tome omogućeno uspješno funkcioniranje Podružnice tokom 2010. godine.

Normativno- pravna djelatnost i koordinacija

U oblasti rukovođenja izrađen je, u saradnji sa ostalim institucijama za provođenje statističkih istraživanja, Statistički program od posebnog interesa za Distrikt Brčko BiH u 2010. godini, dostavljen Vladi i usvojen.

Izrađen je Izvještaj o izvršenju Programa statističkih istraživanja od posebnog interesa za Distrikt Brčko BiH u 2009. godini, dostavljen Vladi Distrikta Brčko BiH, te Agenciji za statistiku BiH.

Težište aktivnosti u narednom periodu trebalo bi biti na realizaciji aktivnosti Srednjoročnog i Godišnjeg plana rada Agencije za statistiku BiH, u dijelu koji se odnose na Distrikt Brčko BiH.

ZAVRŠNE NAPOMENE

Ovaj izvještaj je sastavni dio godišnjeg Izvještaja o radu Agencije za statistiku BiH za 2010. godinu, i biti će razmatran i usvojen i od strane Vijeća ministara BiH.

Broj:

Datum:

Direktor

Zdenko Milinović